



# Zirhtupawl Khihhmuhtu

Biblethu Level 1 le 2

A Series  
Zirnak 1-6



## **Bible Educational Services**

Registered Charity UK (No 1096157)

### **Tumtah Mi**

Leitlun huapih hman mi Bible zirnak nei thei dingih tuih san minungpawl le a ra lai ding mi san minungpawl hnenih Pathian Kamsuakthu zirh thei dingih Bible zir ding mi zirnak peksuahnak in mi dang rian thei dingih nangmah lo ren hi kan tumtah mi a si..

### **Duhthusam**

Leilung tlunih tawng phun dangdang in, pehtlaihawknak a phunphun hmangin, kan duhthusam hlensuah duh ve tupawl thawi tuantlangnak in Bible zir ding mi peksuah hi kan duhthusam a si.

## **THUTLANGPI THEIHTERNAK**

### **BES in ziang a tuah:-**

BES (Bible Educational Services) cun “Biblethu”, “Nun Thar”, “Sarkhawmtupawl” (Gleaners) ti mi Bible zirnak peksuah le UK le ram dangdang ih Carek Bible Tlawng ( Postal Bible School) le BES Bible zirnak hmangtu pawlkawmpawl va tlawnnak in, thurawn peknak in le training peknak pawl ih va bawm hna a tuan. Culawng si loin, BES cun himi Bible zirnak lehlin, mawi zetih an leh mi tawltreksak, namsak le zemsuhsak hna cu leitlun ram dangdang ih pawlkawm dangdang hnenah a tuan.

Biblethu ti mi Bible zirnakpawl hi a hmaisabik ah Southern Ireland ah kum 50 liam zo ah hman a rak si zo. BES (Bible Educational Services) cun English in le ram dang tawngpawl in Biblethu zirnak cekfelnak hna cu a tuan vivo.

Biblethu zirnakpawl hi A4 cahnah ih nam a si theu, zarh li ah vei khat suah a si. Cutin a zirtu tlawngtapawl in an zirnak cahnah asilole cabu kha BES Bible tlawng ah hmat cek dingih an kuatsal. Tu naite in Belfast khua ih um Every Home Crusade (Revival Movement) in A5 cahnah hmangin thla ruk hrang zirnak cu cabu in in namsak ih, cutin kawhhran le Bible tlawng pawl ih hman a remcang deuh ngaingai. Cutivekih namsaktu kan neih hi Pathian kan thangthat ngaingai.

BES Bible zirnak hi phundang zet a si, inn ah siseh, kawhhran ah siseh, tlawng ah siseh zir thei dingih timlam mi an si. Zir ding mi a sangsang tein kum 20 tiang lai zir ding daihah tuah mi an si. An kum izirin a level a level ih zir ding mi zirnak timlam an si. Tualleng tlawngta hrang, kum 5-7 hrang, kum 8-10 hrang, kum 11-13 hrang, kum 14-16 hrang tiih zirnak timlam an si. Level kip hrangah kum 3 sung zir ding a um (cahmai 4-nak zoh aw). Nauhak kum izirih zirnak timlam a si ko nan, nauhak hrekhat cu cathiam le thluak cak hleice khal an um thei ih, zamrang deuh khalin a zir thei an um ding. Biblethu ti mi zirnak hmanrua hin nauhakpawl Pathian Kamsuakthu le Bible thuanthupawl zir theinak can remcang a pe hai. Cuih an zir mi thupawl cu an nunnak ih tul mi le hman thei mi, an nun lamtluan hruaitu ding an si.

Mirang ca ih zir a duhtupawl hrangah BES website – [www.besweb.com](http://www.besweb.com) asilole BES International Secretary hnenihsin zir ding mi zirnak ngah theih an si. Tawng dangdang khalin BES website ah ngah theih a si. .

## **BES Pehthlainak ding Address**

### **International le Northern Ireland Secretary (stockist of all lessons)**

Mr S Balmer, 37a Belmore Street, Enniskillen, Northern Ireland BT74 6AA

Phone: 0286 632 2462

Email: [sam@besweb.com](mailto:sam@besweb.com)

### **UK Secretary**

Mr Stephen Gillham, 32 Firs Glen Road, West Moors, Ferndown, Dorset BH22 0ED

Phone: 01202 873500

Email: [stephen@sgillham.co.uk](mailto:stephen@sgillham.co.uk)

### **Myanmar Address**

Mr Timothy Sui Lian Mang, Biblical School of Theology, SweLynban, No 156,

Hlaingtharyar, Yangon, Myanmar

Phone: 095103980

Email: [timothysuilianmang@gmail.com](mailto:timothysuilianmang@gmail.com)

Web address: [www.besweb.com](http://www.besweb.com)

Email address: [info@besweb.com](mailto:info@besweb.com)

## ZIRHTUPAWL KAIHRUAITU

A thawkpekte ah cun Biblethu ti mi Bible zirnak hi Carek ih kuatawk ih zirnak Carek Bible Tlawng (Postal Bible School) hrangih timlam le dñ mi Bible zirnak a si. Asinan Carek that lonak ram, thimnakah India ram le Afrika ram tivek ah hi Bible zirnak hi an hmang nasa. Zirhtupawl Kaihruaitu ti mi cabu hi cuvek hmun le ram ih um, himi Biblethu ti mi Bible zirnak hmangtupawl hrangih suah mi a si. Himi Zirhtupawl Kaihruaitu ti mi cabu hi Level 1 le 2v- kum 5-10 hrangih timlam mi a si.

Zirhnak Kaihruaitu hin Biblethu zirnak ih a hman mi Bible bung le câng thothe a hmang. Biblethu zirnakpawl le Zirnak Kaihruaitu cabu hi zarh tin hrangih timlam mi an si. April thla ih zir ding mi cu thosal thu thawi pehparaw mi thu an si ih, December thla ih zir ding mipawl cu Khrismas thu thawn an pehparaw.

Hmun hrekkhat ah A4 cahnah ih nam mi zarh tin hrang zirnak an hmang ih, hmun hrekkhat ah cun A5 cahnah hmangih cabu te ih suah mi zirnak 24 um mi an hmang. A tlangpithuin zirhtu in thla tin A4 cahnah ih nam mi zirnakpawl a pesuak ding ih, zarh tin tlawngtapawl in an zirnak Biblethu cu inn ah an tlun pei ih zarh khat hnuah an run kengsal ding. Cutin thla khat hnuah Saya cun tlawngtapawlih zirnak cahnah cu a cek thluh ding ih, hmat a pe ding, cule tlawngtapawl hnenah a pekirsal thluh ding.

Cabu te ih suah mi hmangtu cun zirnak pakhat a cem tinten cabu cu lakhawmsal in a cek ding a si. Asinan hmun tampi ah cucu thil harsa zet, thil cang thei lo tluk a si. Tlawng phun ih zirnak tuah asile, saya in a phi dik ngan thluh sehla, tlawngtapawl kha an cabu thlengawter thluhin saya ih tuah mi a phi dik kha saya in a sim hai pei ih, an rualpi cabu sungih an phi mipawl kha a dik le dik lo an ceksak ding. Cutin hmat khal an pe cih ding. Hmat pekdan le hmat kawmdan khal thaten simfiang ding an si. Thla khat cem zawngih saya ih fakselnak ti mi te ah khan saya in tlawngta ziangtlukin a thangso, a thumsuk ti mi ngannak ding tuah mi ah khan ngansak tengteng ding a si. Thla ruk zirnak a theh tikah certificate te khal pek cih ding a si.

## SAYA HRANG TIMLAMNAK

Sayapawl in anmai ruahnak le tha an ti mi hmanna um lo ko tuah kan tum lo. Kan tarläng ding mipawl tidan lawng hman ding tinak an si lo ih, hitihin teh ti uhla a tha pei maw tiih ruahnak peknak fang men an si.

- **Thuanthu kha theifiang zet aw** - Saya cun zir mi Bibe thuanthu le Biblethu zirnak thu kha theifiang zet seh. Biblethu zirnak thupawl kha saya cun siar cia seh, thei thluh cia seh. Zirnak kip hrangih kaihruaitu kan pek mi kha saya cun tha zetin siarin ruat seh.
- **Zir ding mi kha theithiam thluh cia aw** - Zirnak kip ih tluntabik ah khin “Kan zir rero”, ti mi theh ah zirnak ih tumtah mi pahnih nauhakpawl in saya in zirnak a zirh theh le Biblethu zirnak an tuah theh tikah an theihfiang ding mi na hmu ding. A pakhatnak zirnak ih tumtah mi cu thuanthu theihnak a si ih, a pahnihnak cu an theih mi ruat dingin, nunpi le thungrulhnak tuah tengteng dingin ti a si.
- **Theihter aw** - Zirnak hmuahhmuah kha, nauhakpawl an nun ih an tawnteh mi in kan thawk. Zir ding mi thuanthu kha nauhakpawl hnenah theihternak, tawthawhnak a phunphun kan hmang.
- **Zirh aw** - Thuanthu ihsin a tawhfung bik kan lasuak. Saya in thuanthu a sim tikah khaih thu kha sim lohli lo dingin kan duh, cuhnakin khai thuanthuih tawhfung kha an lunglut ding zawngin thuanthu a sim tikah sim sawn seh. Saya in nauhakpawl in thuanthu ihsin zir ding mi an theih ding kha a tum pei ih, khaih thuanthu kha an nun ih an thungrulhdan ding khal an thilnung ih ruatsuak dingin a tum pei. A remcandan danin thuanthu kan sim tikah simfiang ding mi kha *cafang tlu* in kan ngan ding.
- **Zir aw** - Thuanthu kip ah Bible Câng Hril na hmu ding. Vawi nhiih wawi khat ah cun Câng Hril pahnih tla na hmu ding, ziangah tile khaih Bible Câng Hril kha nauhak in an zir dingih kan tumtah mi an zirngah theinak dingah bawmtu a si. Nauhakpawl in Bible Câng Hril kha an zir kan beisei ih, Bible Câng Hril kha sim sim leuhleuh ding an si. An cinken ding rori le an byheart ding rori kha kan tumtah mi a si.
- **Biblethu zir ding mi le tuah dingpawl kha tuah thluh aw** - Tlawng ah cun thusuhnak phi dingin an thiamnak dinhmun kha saya cun a thei ih, ziangtlukin thusuhnak kha phiter ding ti cu saya thuthu a si. Mi hrekkhat hrangah cun saya in zir ding mi kha siarin nauhakpawl in thlun hai sehla thil tha a sinak lai a um. Asinan nauhak hrekkhat cu anmah teih siar thei khal an um men thei. Nauhak dinhmun izirin saya in a tawrel thiam a ðul. Tlawng ah si loin hmun dang ah himi Bible zirnak na hman asile, zirtu nauhakpawl kha tha zetih ngaihsak le bawm an ðul hleice ding. Nauhakpawl in thatho zetih zir dingin thapek a pawimawh zet.

- **Cing ringring aw** - A cang thei tawkin thusuhnawpawl kha an phi theinak dingih simfiang kha a thupi tuk. Thuanthu kha simsal tla an ÷ul ding.
- **Hmuh hai aw** - A hmun le ram ruangah maw, neih mi thil ih a daih taw lo ruangah simaw zuk zohter ding ngah ding a harsa khal a si men thei. Nauhakpawl in an zir mi theithei dingih mit ih zoh le hmuh mi an neih hi a thupi tuk ti hngilh hlah aw. A cang thei tawkin zuk zoh ding na ngaihtuah pei. Zuk hin thuanthu kan sim mi theifiang thei dingih le thatho zetih ngai dingih nauhak a bawm zet. Internet hman theinak ah cun himi website ah hin [www.freebibleimages.org](http://www.freebibleimages.org) zuk tampi ngah theih a si. Zuk copy theinak photo copier umnak ih na um asile, himi Bible zirnak sungih zukpawl hi tumpi pi in na copy thei ding ih, nauhakpawl zirhnak ah bawmtu ÷ha zet an si ding.

## Bible Câng Pawimawh Zirh

- 1) Bible câng kha cahnah parah asilole calungpi parah na ngan thei, cule nauhakpawl kha na siarter hai pei ih, ÷awngfâng malte ten na phiat vivo pei, cutin cuih Bible câng pumpi an byheart tikah a zaten na phiat pei.
- 2) Bible Câng byheart ding mi kha byheart theidan a phunphun ruat awla, byheart pi hai aw.

## Cân Hmandan ding Ruahmannak

- **A sangsang ten** - Nauhakpawl Zirhnak hrang dân ding cu zirnak kip ah kan telh ko, asinan saya in bangrep ringring si loin, phun dang deuhin thleng a duh khal a si thei.
  1. Thuhmaihruai le thuanthu simnak ah – minit 15 hrawng
  2. Bible Câng byheart zirhnak ah – 5-10 minit
  3. Nauhakpawl ih ngan ding le khat ko zuk suai ding pawl tuahnak ah – 20 minit hrawng
  4. Thusuhnak le a dang cangvaihnak ah – 5-10 minit.

Himi ÷angkam hi cing ringring aw:

“I sim awla, ka hngilh men thei,  
I zohter awla, ka cing ringring ding,  
I telter awla, ka theithiam ding.”

## Biblethu Zir ding Mipawl

	LEVEL 0 (Tlawng ngaingai kai thei hrih lopawl) LEVEL 1 (Kum 5-7) LEVEL 2 (Kum 8-10)	LEVEL 3 (Kum 11-13)	LEVEL 4 (Kum 14+)
THAWKNAK ZIRNAK SERIES	<ol style="list-style-type: none"> <li>1. Thăwktu Zirnak - Thuhmaihruai</li> <li>2. U1 - Luke-ih Thuthangṭha</li> <li>3. U2 - Luke-ih Thuthangṭha</li> <li>4. U2 - Luke-ih Thuthangṭha</li> </ol>	<ol style="list-style-type: none"> <li>1. Thăwktu Zirnak - Thuhmaihruai</li> <li>2. U1 - Luke-ih Thuthangṭha</li> <li>3. U2 - Luke-ih Thuthangṭha</li> <li>4. U2 - Luke-ih Thuthangṭha</li> </ol>	<ol style="list-style-type: none"> <li>1. Thăwktu Zirnak - Thuhmaihruai</li> <li>2. U1 - Luke-ih Thuthangṭha</li> <li>3. U2 - Luke-ih Thuthangṭha</li> <li>4. U2 - Luke-ih Thuthangṭha</li> </ol>
SERIES A	<ol style="list-style-type: none"> <li>1. Sersiamnak</li> <li>2. Noah</li> <li>3. Peter</li> <li>4. Peter - Khraws</li> <li>5. Abraham</li> <li>6. Abraham</li> <li>7. Peter</li> <li>8. Peter</li> <li>9. Jakob</li> <li>10. Khristian Hmaisapawl</li> <li>11. Paul</li> <li>12. Khrimas Thuanthu</li> </ol>	<ol style="list-style-type: none"> <li>1. Sersiamnak</li> <li>2. Noah</li> <li>3. Peter</li> <li>4. Peter - Khraws</li> <li>5. Peter</li> <li>6. Abraham</li> <li>7. Jakob</li> <li>8. Thlacamnak</li> <li>9. Paul</li> <li>10. Paul</li> <li>11. Paul</li> <li>12. Khrimas Thuanthu</li> </ol>	<ol style="list-style-type: none"> <li>1. Sersiamnak le Tluknak</li> <li>2. Atir lamih ṭhansonak - Semtinak</li> <li>3. Peter</li> <li>4. Peter - Khraws</li> <li>5. Peter</li> <li>6. Abraham</li> <li>7. Jakob</li> <li>8. Khristian Nun</li> <li>9. Paul</li> <li>10. Paul</li> <li>11. Paul</li> <li>12. Khrimas Thuanthu</li> </ol>
SERIES B	<ol style="list-style-type: none"> <li>1. Khrih Nun Lamtluan Hmaisa</li> <li>2. Thilmakpawl</li> <li>3. Bethany</li> <li>4. Khraws</li> <li>5. Tahṭhimnakpawl</li> <li>6. Joseph</li> <li>7. Joseph</li> <li>8. Jesu Tawngtupawl</li> <li>9. Mosi</li> <li>10. Mosi</li> <li>11. Mosi</li> <li>12. Khrimas Thuanthu</li> </ol>	<ol style="list-style-type: none"> <li>1. Tahṭhimnakpawl</li> <li>2. Thilmakpawl</li> <li>3. Bethany</li> <li>4. Khraws</li> <li>5. Khristian Hmaisapawl</li> <li>6. Joseph</li> <li>7. Joseph</li> <li>8. Thuthangṭha Ngantupawl</li> <li>9. Mosi</li> <li>10. Mosi</li> <li>11. Mosi</li> <li>12. Khrimas Thuanthu</li> </ol>	<ol style="list-style-type: none"> <li>1. Tahṭhimnakpawl</li> <li>2. Thilmakpawl</li> <li>3. Bethany</li> <li>4. Khraws</li> <li>5. Khristian Hmaisapawl</li> <li>6. Jakob le a Sungkua</li> <li>7. Joseph</li> <li>8. Apo 2: 42 – Hmai lamih Lamzin</li> <li>9. Mosi</li> <li>10. Mosi</li> <li>11. Dān</li> <li>12. Khrimas Thuanthu</li> </ol>
SERIES C	<ol style="list-style-type: none"> <li>1. Daniel</li> <li>2. Thilmakpawl</li> <li>3. Jesu Tawngtupawl</li> <li>4. Khrih Thihnak</li> <li>5. Ruth &amp; Samuel</li> <li>6. David</li> <li>7. David</li> <li>8. Joshua</li> <li>9. Elijah</li> <li>10. Elisha</li> <li>11. Jonah</li> <li>12. Khrimas Thuanthu</li> </ol>	<ol style="list-style-type: none"> <li>1. Daniel</li> <li>2. Jesu Tawngtupawl</li> <li>3. Thilmakpawl</li> <li>4. Khrih Thihnak</li> <li>5. Ruth</li> <li>6. Samuel</li> <li>7. David</li> <li>8. Joshua</li> <li>9. Elijah</li> <li>10. Elisha</li> <li>11. Pathian hman mi mipapawl – Thukham Hlun</li> <li>12. Khrimas Thuanthu</li> </ol>	<ol style="list-style-type: none"> <li>1. Daniel</li> <li>2. Jesu-ih Ṭawng mipawl</li> <li>3. Bawipaih Huham</li> <li>4. Khrih Thihnak</li> <li>5. Ruth</li> <li>6. Samuel</li> <li>7. David</li> <li>8. Joshua</li> <li>9. Elijah</li> <li>10. Elisha</li> <li>11. Thukham Hlun Mi Hrekhat</li> <li>12. Khrimas Thuanthu</li> </ol>

## A1 Thuanthu 1

Pathian in Leilung a Sersiam – Himi thuanthu cu Pathian in leilung le vanpawl a sersiam thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Pathian in leilung a rak sersiam.</li> <li>• A sersiam mi tinkim ruangah Pathian hnenah lungawi thu sim ding kan si.</li> </ul> <p><b>Bible Câng Hril:     <i>Semtirnak 1: 1</i></b>  <b>Bible Thuhlawn:    <i>Semtirnak 1: 1-19</i></b></p>
<b>THEIHTER AW</b>	<ul style="list-style-type: none"> <li>• Nauhakpawl hnenah inn zuk hmuh hai aw asilole nauhakpawl kha an inn zuk suaiter hai aw</li> <li>• Nauhakpawl kha inn thuhla sut hai aw – Inn sak dingah ni ziangzat a rei pei? Inn sak dingah ziangziang na ÷ul pei?</li> <li>• Inn pakhat sak dingah thil ÷ul mi a tam zet, asinan Pathian cun zianghman um lo ihsin leilung pi a sersiam thei.</li> </ul>
<b>ZIRH AW</b>	<ul style="list-style-type: none"> <li>• A hramthăwkah Pathian in leilung le vanpawl a sersiam. Pathian in leilung a sersiam hlanah thim a rak um (<b><i>Semtirnak 1: 1-3</i></b>) – <i>Thim si ringring hnik sehla ziang bang pei maw? (Nauhakpawl kha an mit tuam sîn hnik aw)</i></li> <li>• Ni khatnak ah Pathian in, “Tleu um seh,” tiah a ti. Cule tleu a ra um lohli. Pathian in tleu cu sun tiah a ko ih, thim cu zan tiah a ko. Thim ringring ih um ding aiah, thim cu tleu in a run thlun thlang (<b><i>Semtirnak 1: 4-5</i></b>).</li> <li>• A ni hnihnak ah Pathian a ÷awngsuaksal ih leilung kimvelih um van le thli a sersiam. Zan a thlengsal ih ni hnihnak cu a liam (<b><i>Semtirnak 1: 6-8</i></b>) – <i>Nauhakpawl kha nasa zet in an thaw hipter hnik aw; cule kan kimvelih thli a thupitzia simfiang hai aw.</i></li> <li>• Atu tiang ah hin leilung cu tidai in a khuh lai hrih, asinan atu cun leiro sersiam cān a thleng thlang. Pathian a ÷awngsuak ih leiro hrangah hmunram a tuah. Leiro kimvelih um tidaipawl cu tiffinriat ah an cang. Cule Pathian a ÷awngsuak lala ih, “Leilung cu thingkung phunphun le thlai phunphun in khuh seh,” tiah a ti. Cupawl hmuahhmuah cu Pathian in a zoh ih a ÷ha tiah a ti. Cumi cu a ni thumnak a si (<b><i>Semtirnak 1: 9-13</i></b>). <i>Nauhakpawl kha an umnak hmun ih kho thingkung le thlaikung pawl ziang an thei ti sut hai hnik aw. Rawng phunphun, a tum le a te a phunphun, pungsan ruangam phunphun le thlaikung le thingkung pawl an mawizia le an ÷angkaizia sim hai aw.</i></li> <li>• A ni litnak ah tloak ih tle dingah Pathian in tleu a sersiam – sun hrangah ni a sersiam ih, zan hrangah thlapi le arsipawl a sersiam. Pathian in a sersiam mi tleupawl cu a zoh ih a ÷ha a si tiah a ti. (<b><i>Semtirnak 1: 14-19</i></b>). <i>Ni a ÷thatzia, a ÷thatnēmzia sim hai aw. Van ih arsipawl an tam zia, khawruahharza an sizia pawl sim hai aw!</i></li> <li>• <i>Pathian in kan ÷ul mi tinkim thawn mawi zet in leilung a sersiamzia nauhakpawl simfiang hai aw.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Pathian in leilung le vanpawl a rak sersiam.</p>
<b>ZIR AW</b>	<p>A ÷ulnaknak ah Bible Câng Hril kha zirh in simfiang hai aw - <b><i>Semtirnak 1: 1</i></b></p>
<b>CING RINGRING AW</b>	<ul style="list-style-type: none"> <li>• A hramthăwkah leilung hi ziang a bang?</li> <li>• A ni ziatnak ah tleu a ra suak?</li> <li>• A ni hnihnak ah Pathian in tloak le _____ a sersiam.</li> <li>• A hramthăwkah leilung cu ziang in a khuh?</li> <li>• A ni thumnak ah a ÷hang mi ziang thil pahnih Pathian in a sersiam?</li> <li>• Sun hrangah Pathian in ziang tleu a sersiam?</li> <li>• Zan hrangah Pathian in ziang tleu a sersiam?</li> <li>• Hi Bible câng hi kimten rel thluh aw – “A hramthăwkah Pathian _____ a sersiam.”</li> </ul>

## A1 Thuanthu 2

Pathian in Rannungpawl le Milai a Sersiam – Hih thuanthu cu milai hmaisabik thuanthu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"><li>• Pathian in milai cu amai hmuahmel le amah bangin a sersiam ih, a hrangah mi thleice an si.</li><li>• Amah ih sersiam mi kan si ruangah Pathian Lamzin thlun ding kan si.</li></ul> <p><b>Bible Câng Hril:     <i>Semtirnak 1: 31</i></b> <b>Bible Thuhlawn:    <i>Semtirnak 1: 20 – 2: 3</i></b></p>
<b>THEIHTER AW</b>	<ul style="list-style-type: none"><li>• Na hlawhtlin thei lo mi na thil tuah mi pakhat khat keng aw - ðimnakah hmuk kâng mi tivek. Thil pakhat khat tumtahnak nei in ka tuah ih kan tumtah vekih a can lo tiki kan thin a natzia sim hai aw.</li><li>• Pathian in thil tam zet a sersiam ih, a thil sersiam mi pakhat te par khalih a thin a nat lozia nauhakpawl sim hai aw.</li><li>• Nauhakpawl khan rannung phun khat umdan an cawng thei. (Team dangpawl in ziang rannung a si ti sim hai seh, lehnak phun khat a si)</li></ul>
<b>ZIRH AW</b>	<ul style="list-style-type: none"><li>• A ni ngatnak ah Pathian in vate phunphun tam ngaingai le nga phunphun tam ngaingai a sersiam. A sersiam mipawl hmuahhmuah Pathian in a zoh ih, “A ða a si,” tiah a ti (<b><i>Semtirnak 1: 20-23</i></b>). <i>Nan group lakih nan theih zet mi nga le vate hrekhat ruattlang hnik uh.</i></li><li>• A ni ruknak ah Pathian in rannungpawl a sersiam. Kalauk hngawng saupi, ha hriam zet nei kiosa le pawpi pawl tla Pathian in a sersiam – Cupawl hmuahhmuah cu Pathian ih sersiam an sil! (<b><i>Semtirnak 1: 24-25</i></b>)</li><li>• Pathian in thilmak taktak tampi a sersiam ko nân, thil pakhat danglam zet sersiam ding a nei lai ih, cumi cu danglam zetin a sersiam. <i>Na za khat in leivut la awla, nauhakpawl kha cuih leivut in ziang an tuah thei pei ti sut hai aw.</i> Pathian in lei ih leivut ziang mawzat cu a lak ih milai hmaisabik a sersiam. Cuih milai paih sungah Pathian in thaw a thawt ih cuih milaipa cu a hung nung. Cuih milai hmaisabik paih hmin cu Adam a si (<b><i>Semtirnak 1: 26-31</i></b>). <i>Pathian in Adam a sersiam tikah amah Pathian băngnak neiin a sersiam ti kha nauhakpawl simfiang aw. Pathian băngnak neiin sersiam kan si ruangah, minung cu rannung vek kan si lo ih, thil kan tuah thei, khua kan ruat thei. Pathian băngnak ti mi ah cun thil dik le thil dik lo bangawk lozia kan theihnak khal hi a tel, cule Pathian le a lamzin zawhdan khal an zir thei.</i></li><li>• Ni ruk sungah Pathian in leilung le a sungih um mi thil hmuahhmuah a sersiam. Sersiam a ðeh tikah a ða tuk tiah Pathian in a ti. A ni sarhnik ah Pathian a cawl ih, a rak sersiam mipawl cu a upat (<b><i>Semtirnak 2: 1-3</i></b>). <i>Man lo zetih hna kan ðuan tikah cawl kan ðulzia sim hai aw.</i></li><li>• Pathian ih a rak sersiam mi leilung a famkimzia le a sersiam mi parih a lunghmuizia sim hai aw.</li></ul> <p><b>Biblethu zir ding mi le tuah dingpawl kha tuah thluh aw.</b> <b>Hmuh hai aw:</b> Power-point - <a href="http://www.teachingideas.co.uk">www.teachingideas.co.uk</a>. FBI – Pathian in leilung le vanpawl a sersiam.</p>
<b>ZIR AW</b>	<p>A ðunaknak ah Bible Câng Hril kha zirh in simfiang hai aw - <b><i>Semtirnak 1: 31</i></b></p>
<b>CING RINGRING AW</b>	<ul style="list-style-type: none"><li>• A ni ziatnak ah Pathian in vatepawl le ngapawl a sersiam?</li><li>• Cupawl thuhla Pathian in ziang a sim?</li><li>• A ni ruknak ah Pathian ziang a tuah, rannungpawl teh?</li><li>• Ziangkim a sersiam hnuah Pathian in ziang a ðawngsuak?</li><li>• Milai hmaisabik kha zo a si?</li><li>• Milai sersiamnak ah Pathian in ziang a hmang?</li><li>• Pathian in leilung a sersiam tikah ni ziat a rei?</li><li>• A ni sarhnik ah Pathian ziang a tuah?</li></ul>



### A1 Thuanthu 3

#### A hmaisabik Mipa le Nunau – Hi thuanthu cu Adam-ih nupi thuanthu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Pathian in a thil sersiam kilkhawitu dingah Adam hrangah nupi a sersiamsak.</li> <li>• Thil ziangkim uktu le fingkhawitu cu Pathian a si.</li> </ul> <p><b>Bible Câng Hril:     <i>Semtirnak 2: 18 asilole Sam 24: 1</i></b>  <b>Bible Thuhlawn:    <i>Semtirnak 2: 4-25</i></b></p>
ZIRH AW	<ul style="list-style-type: none"> <li>• Nauhakpawl in hmuan tuah an theih asile, ziang an cing, asilole hmuan ih cin mi pangpar simaw, thingtheirah simaw hmuh hai aw. Hmuan thuhla thei dah kel lo nauhak an si ahcun hmuan ah cun milai in pangpar, thlaikung, hanghnahhangrah an cing tivekin hmuan thuhla simfiang hai aw.</li> <li>• Eden Hmuan cu zuk kan suai thei mi le hitiuh kan ruah bân thei mi hnakin a mawi dingzia simfiang hai aw.</li> <li>• Eden Hmuan thuhla relpi hai aw – Cang thei sehla Eden Hmuan ih um na duh maw? Eden Hmuan ah ziang nuam na tibik na zum? Eden Hmuan ah Adam a lung a len na zum maw?</li> </ul>
ZIR AW	<ul style="list-style-type: none"> <li>• Adam cu hmuan mawi zet Eden ti mi ah a um. Cuih hmun ah Pathian in a ÷ul mi tinkim a pe – rawl le tidai tivek khal. Eden Hmuan kilkhawi dingin Pathian in Adam a fial (<b><i>Semtirnak 2: 15</i></b>).</li> <li>• Adam hnenah Pathian in a rak sersiam mipawl a hmuh. Adam in thil nung hmuahhmuah cu hmin a rak sak vivo (<b><i>Semtirnak 2: 19-20</i></b>).</li> <li>• Adam amah te lawng a um ding Pathian in a duh lo. Adam cu a mawi zetzet mi rannung, vate, thingkung le hramkung pawl in an kulh ko nain, Eden hmuan ih a umpi ding mi pakhat a ÷ul ti a thei. Pathian in Adam cu thithlepin a itthatter. Cutiuh a ihthah laiah Adam-ih hnakruh ihsin nunau hmaisabik a sersiamsak. Adam cu amah lawngin a um nawn lo. Pathian in kil dingih a ÷uanvo a pek mi Eden hmuan kilnak ih amah bawmtu ding nupi Evi ti mi a nei thlang (<b><i>Semtirnak 2: 20-24</i></b>).</li> <li>• Eden hmuan sungah cun thingkung tam zet a um. Eden Hmuan laifangah “A Sia le a ÷ha theihnak Thingkung” pakhat a um. Adam le Eve hnenah Pathian in “A Sia le a ÷ha theihnak Thingkung” siarlo Eden Hmuan sungih thing pauhpauh nan ei thei a si tiah a ti hai (<b><i>Semtirnak 2: 16-17</i></b>). Inn ah simaw, tlawng ah simaw nauhakpawl ih thlun ding mi dân tete an neih mi sut in relpi hai aw. Ziangruangah dân kan neih a ÷ul? (<i>Himte le lungawi ih kan um theinak dingah a si</i>) Pathian in Adam le Evi ih thlun dingih a pek mi dân an theih le theih lo thu hliakhlai hnik aw.</li> <li>• Pathian in leilung a sersiam ih a uk thu simfiang hai aw, amah cu milai ziangtin nung hai seh tiuh thutluknak tuahtu ÷habik a si. Kannih khalin Pathian dân kan thlun ve a ÷ul.</li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b></p>
ZIR AW	<p>A ÷ulnaknak ah Bible Câng Hril kha zirh awla, simfiang hai aw - <b><i>Semtirnak 2: 18 asilole Sam 24: 1</i></b></p>
CING RINGRING AW	<ul style="list-style-type: none"> <li>• Khuiah Adam a rak um?</li> <li>• Eden Hmuan ah Adam in ziang tuah ding a nei?</li> <li>• Rannungpawl in zo hnen in an hmin an ngah?</li> <li>• Himi catluan hi kimter aw: Pathian in Adam hrangah _____ sersiamsak a duh.</li> <li>• Adam-ih nupi sersiamnak ah Pathian in ziang a hmang?</li> <li>• Adam-ih nupi cu ziangtin kawh a si?</li> <li>• Eden Hmuan sungih special thingkung kha ziang tiuh kawh a si?</li> <li>• “A Sia le a ÷ha Thingkung” lakah Adam in ziang dân a nei?</li> </ul>

## A1 Thuanthu 4

### Pathian Kamsuakthu cu siatsuah a si – Hi thuanthu cu leilung tlunih soal a luh thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"><li>• Adam le Evi in Pathian thu an lung lo ih, a famkim mi a thil sersiam an siatsuah.</li><li>• Kannih khal in Pathian thu kan lung lo ih, kan soalpawl hrangih riahia ding le Pathian ngaidamnak hawl ding kan si.</li></ul> <p><b>Bible Câng Hril: Rom 5: 12 asilole Rom 5: 1</b> <b>Bible Thuhlawm: Sertirnak 3: 1-24</b></p>
<b>THEIHTER AW</b>	<ul style="list-style-type: none"><li>• Zuk mawite keng awla a parah ca ngan in siatsuah aw, cule nuaisiat thluh aw.</li><li>• Relpi hai aw – Zuk kha ziang a cang? Atu ah khaih zuk kha ziang a bang?</li><li>• Pathian in a famkim mi leilung a sersiam nân, a siat ti thu simfiang hai aw.</li></ul>
<b>ZIRH AW</b>	<ul style="list-style-type: none"><li>• Leilung sersiam a si pek ah cun thil ziangkim hi an famkim thluh, asinan ni khat cu Pathian ih ral Setan cu rul vekin a langawter ih, Eden Hmuan ah a ra. Rul cun Evi hnenah, “A Sia le a Tha theihnak thingkung na ei asile, Pathian vekin na fim ding,” tiah a ti (<b>Sertirnak 3: 1-5</b>).</li><li>• Evi cun Pathian ralpaih thu a lung. Pathian thu lung loin, thing thei rah cu a lak ih a ei. Adam hnenah a hrekhat a pe ih, an pahnih in an ei (<b>Sertirnak 3: 6</b>).</li><li>• Cuih ni sim lamah Pathian in Adam le Evi cu biak hai a duh, asinan annih in Pathian thu an lung lo ti an thei ih, an relh (<b>Sertirnak 3: 7-8</b>). Mi pakhat khat zo simaw ih thu lung loin na um dah maw? <i>Cutiih thu lung loih na um ruangah ziang rah a suak? Adam le Evi Pathian hnenah ihsin an relh thei lozia le kannih khal kan relh thei lozia simfiang hai aw.</i></li><li>• Pathian in “Khuiah nan um?” tiah a ko hai. A thu an lung lo ti a thei, cule a duhdawt hai tho tho ko nân, an thulunlonak ruangah dantat an tul. Adam le Evi cu Pathian in Eden hmuan ihsin a dawisuak hai. An sualnak in Pathian thil sersiam mi a siatsuah ih, Pathian thawi an hawipiawknak a catter. Adam le Evi-ih soal ruangah, hling le buar kho an thawk. Rannungpawl le milaipawl khal an na ih an tawntai, cutin leitlun ah thihnak a lut (<b>Sertirnak 3: 9-24</b>).</li><li>• <i>Thil soal kan tuah tikah Pathian a thin a na zet. Pathian lunghmui lo zawng nauhakpawl ih an tuah theu mi ruattlang hnik uh. Cuticingin Pathian cun in duhdawt tho tho. Pathian Fapa khraws parih a thihnak ruangah, amah kan rinsan asile soal ngaidam kan co ding ih, Pathian rualpi kan si thei.</i></li></ul> <p><b>Biblethu zir ding mi le tuah dingpawl kha tuah thluh aw.</b> <b>Hmuh hai aw:</b> FBI – Adam le Evi in Pathian thu an lung lo.</p>
<b>ZIR AW</b>	<p>A tulnaknak ah Bible Câng Hril kha zirh awla, simfiang hai aw - <b>Rom 5: 12 asilole Rom 5: 1</b></p>
<b>CING RINGRING AW</b>	<ul style="list-style-type: none"><li>• Thing rah ei dingin zo in Evi soal a fawrh?</li><li>• Thing rah ei dingin Setan in ziangtin Evi a bum?</li><li>• Zo in Evi thing rah a pe?</li><li>• Pathian in Adam le Evi a kawh hai tikah ziang an tuah?</li><li>• Adam le Evi ih an rak tuah mi parah Pathian ziangtin a um?</li><li>• Adam le Evi parah ziang a thleng?</li><li>• Thil kan tisual tikah Pathian thinlung ziangtin a um?</li><li>• Thil kan tisual mi ah ziangtin ngaidam kan si thei ding?</li></ul>

## A2 Thuanthu 1

### Noah in Pathian thu a lung – Hi thuanthu cu Noah ih Lăwng a Sak thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>Noah le a sungkuapawl le nannungpawl cu Lăwng sungah himdamten khum an si.</li> <li>Kannih hrang khalah Pathian in runhim kan si theinak ding lamzin khua in khansak, curuangah Noah bangin kannih khal in Pathian kan rinsan thei a si.</li> </ul> <p><b>Bible Câng Hril:     <i>Apostolpawlih Cangvaihnak 16: 31</i></b>  <b>Bible Thuhlawn:     <i>Semtirnak 6: 5-22</i></b></p>
<b>THEIHTER AW</b>	<ul style="list-style-type: none"> <li>Nauhakpawl kha an duhbik mi rannungpawl ziang an si ti lo sim dingin sut hai aw.</li> <li>Cuih rannungpawl cu hmun pakhat ah um hai sehla ziang a bang pei ti relpi hai aw! Ziangvek hmun ah umtlang hai sehla a rembik pei? Ziang vek awnau a um pei? Ziang rim a nam pei?</li> <li>Milai malte le rannung rual Lăwng pakhat sungih an umtlang thu Bible thuanthu an zir ding thu nauhakpawl kha sim hai aw.</li> </ul>
<b>ZIRH AW</b>	<ul style="list-style-type: none"> <li>Pathian in kan leilung a sersiam hmaisabik ah, ziang tinkim hi an ðha ih an mawi. A rei hlanah, Adam le Evi in Pathian thu an lung lo. An tefapawl cu ðanghmasial le misualral ah an cang, cule anmah a sersiam cu Pathian a thin a na (<b><i>Semtirnak 6: 5-6</i></b>).</li> <li>Leilung tlunih um milaipawl cu an sualral zet, asinan mi pakhat Pathian lunghmuitertu a um! A hmin cu Noah a si. Hi pa le a nupi le an fapa pathum le an nupipawl cun an kiangkapih milaipawl in anmai duhzawng an tuah le Pathian hngilh ih an um laiah, Pathian ih duhzawng tuah an tum (<b><i>Semtirnak 6: 8-10</i></b>).</li> <li>Leilung cu a bawrhlahw tuk ruangah Pathian in dantat dingin a ruat. Pathian in Noah Lăwng sakter a duh. Lăwng sak a ðehh tikah Pathian in leilung tlunah tilik a tlungter ding. Cule thil nung hmuahhmuah an thi thluh ding, asinan Noah le a sungkuapawl cu Lăwng sungah himdamten an um ding (<b><i>Semtirnak 6: 13-18</i></b>).</li> <li>Pathian ih a sim vekin Noah cun a tuah ðehh. Lăwng tumpi saknak ah kum 100 hrawng a rei. <i>Lăwng tumzia sim hai aw – bualrawn tia a si ih, dot thum a si.</i> Netabikah, har zetih a sak rero hnuah Lăwng cu a sak ðehh (<b><i>Semtirnak 6: 22</i></b>).</li> <li>Lăwng sungah rannung phunzakip le vate phunzakip hruailut dingin Pathian in Noah a fial. <i>Nauhakpawl in thuhmaihruai ih rannung hrekkhat an rel mi kha simsal aw.</i> Cupawl cu Noah le a sungkuapawl zawngih himdamtei khum ding mipawl an si. <i>Lăwng sungih lut mi Noah sungkua mipum siar hnik uh.</i> An zaten Lăwng sungih an luh ðehh tikah, Pathian in sangkâ a khar. Humhim dingih Pathian khawkhan mi cu hlensuah a si (<b><i>Semtirnak 7: 13-16</i></b>).</li> <li><i>Kannih khal thil tisual tam zet kan neihzia simfiang hai aw. Kan sual ruangih dantat ding kan sinak ihsin runhim kan ðul. A Fapa kan zum asile, runhim kan si theinak ding lamzin Pathian in in tawlrelsak. Pathian Fapa Jesu Khrih cu kan hrangah runhimnak Lăwng vek a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Noah le Lăwng.</p>
<b>ZIR AW</b>	<p>A ðulnaknak ah Bible Câng Hril kha zirh awla, simfiang hai aw - <b><i>Apo 16: 31</i></b></p>
<b>CING RINGRING AW</b>	<ul style="list-style-type: none"> <li>Leilung tlunih thubuai hi ziang a si?</li> <li>Ziang ti dingin Pathian in thutluknak a tuah?</li> <li>Zo in Pathian lung a hmuitert?</li> <li>Ziang tuah dingin Pathian in Noah a fial?</li> <li>Lăwng sungah zopawl an lut?</li> <li>Zo in Lăwng sangkâ a khar?</li> <li>Ziangah so Lăwng sungih umpawl cu an himdam?</li> <li>Kan sual ruangih dantatnak ihsin ziangtin kan himdam thei ding?</li> </ul>

## A2 Thuanthu 2

### Lăwng sungih Runhim – Hih thuanthu cu tilik thawknak thuanthu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"><li>• Noah le a sungkuapawl cu Pathian an rinsan ih a thu an lun ruangah runhim an si.</li><li>• Amah kan rinsan asile, in runhim dingin Pathian in in tiamkam.</li></ul> <p><b>Bible Câng Hril: <i>Thufim 29: 25</i></b> <b>Bible Thuhlawn: <i>Semtirnak 7: 1-16</i></b></p>
<b>THEIHTER AW</b>	<ul style="list-style-type: none"><li>• Nauhakpawl kha an tuah mi a silole an sak mi thil sut hai aw – Cumi tuah dingah ziang na hmang? Cumi cu tuah a harsa maw? Himi na tuah tikah mi in an lo bawm maw?</li><li>• Thuanthu hmaisai kha zohsal aw – Lăwng saknak ah Noah in ziang a hmang? Lăwng sak cu a har na zum maw? Ziangruangah Lăwng a sak?</li><li>• Pathian in sak dingin a fial ruangah, thil harsa si khal sehla Noah cun Lăwng cu a sak ti kha sim uar aw. Noah cun Pathian in sakdan ding a sim mi vek cekci in Lăwng cu a sak.</li></ul>
<b>ZIRH AW</b>	<ul style="list-style-type: none"><li>• Atu ah Noah le a sungkuapawl cu Lăwng sungah himdamten an um (<b><i>Semtirnak 7: 6-7</i></b>).</li><li>• Ni sarih hnuah ruah sur a thăwk. Ruah a sur ih a sur rero, ni khat hnu ni khat cawl loin ruah a sur rero! Hrampi hmuahhmuah le pangpar hmuahhmuah cu tidai in a khuh theh. Tivapawl le tiffinriatpawl cu tilik ah an hung cang (<b><i>Semtirnak 7: 17-20</i></b>). <i>Hi hlanih Noah rak hnihsantupawl le Lăwng lengih um pawl hrangah khua a tlai tuk zo thu simfiang hai aw.</i></li><li>• Tidai cu sang sinsin ah a kai deuhdeuh. Innpawl siseh, thingkungpawl le tlang sangbikpawl khal a khuh thluh (<b><i>Semtirnak 7: 20 -21</i></b>). <i>Noah le a sungkuapawl in Lăwng sung ihsin ziangvek thinlung nei hai pei maw? Nauhakpawl kha ruatter hai hnik aw? Noah in Pathian rinsan loin a thu rak lung lo sehla ziang cang tak pei maw?</i></li><li>• Lăwng sungah Noah, a sungkuapawl le rannung hmuahhmuah cu himdamten an um! Noah in Pathian a rinsan ih a thu a lun ruangah, Pathian in an zaten a kilhim hai a si (<b><i>Semtirnak 7: 23</i></b>).</li><li>• <i>Kannah khal in Pathian rinsan ih a thu kan lun Pathian in a duh thu nauhakpawl hnenah simfiang aw. Noah vekin Pathian rinsan in a thu kan lun asile, in runhim ve ding thu Pathian in in tiamkam a si.</i></li></ul> <p><b>Biblethu zir ding mi le tuah dingpawl kha tuah thluh aw.</b> <b>Hmuh hai aw:</b> FBI – Noah le Lăwng. Cun <a href="http://www.bibleforchildren.org">www.bibleforchildren.org</a> ah power point a lakin ngah theih a si.</p>
<b>ZIR AW</b>	<p>A t̄lnaknak ah Bible Câng Hril kha zirh awla, simfiang hai aw - <b><i>Thufim 29: 25</i></b></p>
<b>CING RINGRING AW</b>	<ul style="list-style-type: none"><li>• Pathian a zum ti Noah in ziangtin a langter?</li><li>• Noah zawng ah Lăwng sungah zo an lut?</li><li>• Ruah a sur hlanah Lăwng sungah ziangtluk rei an rak um?</li><li>• Tidai cu ziang tluk sang a kai?</li><li>• Zopawl saw runhim ih um?</li><li>• Ziangruangah Noah runhim a si?</li><li>• Pathian kan rinsan asile, zo in in runhim ding?</li></ul>

### A2 Thuanthu 3

#### Tawthawhnak Thar – Himi thuanthu cu tilik cem hnu thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>Noah le a sungkuapawl umnak dingah a thiangfai mi leilung thar Pathian in a pe hai.</li> <li>Pathian hnenah in ngaidam dingih kan dil asile, Pathian cun nun thar le nun thiag in pe thei a si.</li> </ul> <p><b>Bible Câng Hril: 2 Korin 5: 17</b>  <b>Bible Thuhlawm: Semtirnak 8: 1-19</b></p>
<b>THEIHTER AW</b>	<ul style="list-style-type: none"> <li>Nauhakpawl hnenah Noah le a sungkuapawl cu Lawng sungah reipi an um a tul thu simfiang hai aw.</li> <li>Lăwng sung cu ziang a bang pei ti nauhakpawl kha ruatter aw – Sunnihlawhin Lăwng sungah um ve awla ziang na tuah pei? Ziangvekin na um pei?</li> </ul>
<b>ZIRH AW</b>	<ul style="list-style-type: none"> <li>Ni 40 hnuah ruah a han. Asinan tlangpawl cu tilik in a khuh hrih lai thocho (<b>Semtirnak 8: 1-4</b>).</li> <li>Ni khat cu, tidai a kâng maw kâng lo ti thei duh ah, Lăwng sung ihsin Noah in tlangak a thlahsuak, asinan tlangak cu a ra kirsal nawn lo. Cuih hnuah Noah cun thuro a thlahsuaksal, a ra kirsal lohli. Zarh khat hnuah thuro a hei thlahsal ih, a hmur in olif hnah run kengin a kir an hmuh tikah an sungten an lung a hmui zet. <i>Cumi cun thingkung luzikpawl cu tidai tlunah an langsuk zo ti a feng thu simfiang hai aw (Semtirnak 8: 6-11).</i></li> <li>Ni sarih hnuah, Noah in thuro a hei thlahsal. Tuih tum cu a ra kirsal nawn lo. Cutikah Noah cun tidai a kâng zo ih, thuro in umnak hmun a hmu thei zo a si ti a theithiam. A netnakah, Lăwng cu Ararat Tlang parah a thumaw (<b>Semtirnak 8: 12</b>).</li> <li>Lei a rosak tikah, Pathian in Noah hnenah Lăwng sung ihsin rannungpawl thawn suak dingin a fial. Noah tei sungkua hrangah ziangtluk lungawiza thuthang tha so a si! Lăwng sungah ni rei tuk kharkhum an rak si! <i>Lăwng sung ihsin an suah tikah Noah le a sungkuapawl cu ziangtin um hai pei? Leilung thar cu ziang a bang pei ti nauhakpawl thawn reltlang hnik uh (Semtirnak 8: 15-19).</i></li> <li><i>Tuihsun minungpawl hi Noah san lai minungpawl thawih kan danglam lozia nauhakpawl simfiang hai aw. Kan nunnak ihsin Pathian in thil tha lopawl a lahlo thei ih, thinlung thar in pe thei a si. Ngaidamnak hrangah Pathian kan dil pei ih, kan sual lahlo dingin khraws parih thi Jesu kan rinsan ding a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Noah le Lăwng. Cun <a href="http://www.bibleforchildren.org">www.bibleforchildren.org</a> ah power point a lakin ngah theih a si.</p>
<b>ZIR AW</b>	<p>A tulnaknak ah Bible Câng Hril kha zirh awla, simfiang hai aw- <b>2 Korin 5: 17</b> <i>Bawipa Jesu in kan sung lam nun a thleng thei ti simfiang hai aw.</i></p>
<b>CING RINGRING AW</b>	<ul style="list-style-type: none"> <li>Noah in Lăwng sung ihsin ziang vate a thlahsuak hmaisabik?</li> <li>Thuro in a vei hnihnak ah a hmur in ziang a run kengsal?</li> <li>Khuiah Lăwng kha a thum aw?</li> <li>Lăwng ihsin suak dingin Noah kha zo in a fial?</li> <li>Tilik ihsin zopawl runhim an si?</li> <li>Kan sualpawl ruangah zo in dantatnak a tuar?</li> <li>Thinlung thiagfai nei dingah ziang kan tuah ding?</li> <li>Tawngfáng kim lo kimter aw: “Curuangah mi zokhal Khrih ih a um ah cun, sersiam thar a si; thil hlunpawl cu ..... .”</li> </ul>

## A2 Thuanthu 4

### Pathian Thutiamkam – Hi thuanthu cu ka lungawi ti thuhla a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"><li>• Pathian in a thutiamkam a kaihngget ringring.</li><li>• Pathian in Noah le a sungkuapawl a kilkhawi vekin, amah rinsantu le thluntu zokhal thlauthla lo dingin Pathian in a tiamkam a si.</li></ul> <p><b>Bible Câng Hril: Mipum Siarnak 10: 29 asilole Hebru 13: 5</b> <b>Bible Thuhlawm: Semtirnak 8: 20-22 le 9: 7-17</b></p>
<b>THEIHTER AW</b>	<ul style="list-style-type: none"><li>• Nahaukpawl hnenah mi in thu an tiamkam tikcān kha sut hai awla, thutiamkam umzia sim hai aw.</li><li>• Nauhakpawl hnenah mi pakhat khat in thu an tiamkam dah thu an rualpi sim dingin tikcucān pe hai aw.</li><li>• Nauhakpawl kha zo in simaw thu an tiamkam ih an thutiamkam an pahbālsal dah maw ti thu sut hai aw.</li><li>• Nauhakpawl kha Bible cu Pathian thutiamkam thawi a khahzia le a thutiamkam a tlawh dah lozia sim hai aw.</li><li>• Hauhakpawl kha Pathian rinsan le a dung thlun kan hril asile, in thlauthla dah lo dingin in tiamkam thu sim hai aw.</li></ul>
<b>ZIRH AW</b>	<ul style="list-style-type: none"><li>• Noah le a sungkuapawl cu himdamten an um! Lāwng sungah reipi an rak um, asinan tu ah cun Pathian in Noah, a sungkuapawl le rannungpawl khan Lāwng an suahsan thei thlang thu a sim (<b>Semtirnak 8: 15-19</b>).</li><li>• Noah in ʔawngsuah hmaisabik a duh mi cu tilik ihsin amah le a sungkuapawl a runhim ruangah Pathian hnenah “Ka lungawi” ti sim ding hi a si! “Kan lungawi” ti simnak dingah Noah cun lungto a khawm ih, biakʔheng a daw. Noah san ah an hrangih a tuah mi thil ruangah minungpawl in Pathian hnenih lungawi thu an simnak ah biakʔheng parah thawinapawl an hlan (<b>Semtirnak 8: 20-21</b>). <i>Ziang thilpawl ruangah Pathian hnenah lungawi thu kan sim pei? (Calung parah asilole, cahnah in lungawi thu kan sim ding mi thilpawl ngan hnik uh).</i></li><li>• Noah le a sungkuapawl in a hnenih lungawi thu sim an hngilh lo ruangah Pathian cu a lung a hmui tuk. Cule, “Leilung tlunah tilik ka tlungter nawn lo ding,” tiah thutiamkam sunglawi a pe hai (<b>Semtirnak 8: 21-22</b>).</li><li>• Pathian in a thutiamkam mi theihtersaltu ding hmainsinnak a hmuh hai. Cumi cu vangro a si. Noah le a sungkuapawl in vangro an hmuh tinten Pathian ih a tiamkam mi an mangsal ringring (<b>Semtirnak 9: 12-13</b>). <i>Vangro thuhla le a mawizia nauhakpawl relpi aw. Nauhakpawl in vangro an hmuh leh tikah Pathian le a thutiamkampawl ruat dingin cah hai aw.</i></li><li>• <i>Noah hnenih a tiamkam mi Pathian in a kaihngget maw? Amah kan zum tikah in umpi dingih in tiamkam mi Pathian ih a kaihnggetzia nauhakpawl in theithiam dingin sim hai aw (Bible Câng Hril 2-nak zoh aw)</i></li></ul> <p><b>Biblethu zir ding mi le tuah dingpawl kha tuah thluh aw.</b> <b>Hmuh hai aw:</b> FBI – Noah le Lāwng. Cun <a href="http://www.bibleforchildren.org">www.bibleforchildren.org</a> khalah power point a lakin ngah theih a si.</p>
<b>ZIR AW</b>	<p>A ʔulnaknak ah Bible Câng Hril kha zirh awla, simfiang hai aw- Mipum <b>Siarnak 10: 29 asilole Hebru 13: 5</b></p>
<b>CING RINGRING AW</b>	<ul style="list-style-type: none"><li>• Noah thuhla kan zir zo mipawl ihsin thusuhnakpawl hril awla, nauhakpawl in ziangtlukin kan zir zo mi thuanthu kha an cing ti zoh aw.</li><li>• Noah thuanthu an zir rero laiah Bible Câng Hril nauhakpawl ih an rak zir mipawl kha siarpisal hai aw.</li><li>• Nauhakpawl in an duh zet mi thuanthu cu ziangmaw zat zuk in an suai asilole an zir mi ziangmaw zat an ngan thei.</li><li>• Nauhakpawl khan Noah tei sungkua le rannungpawl Lāwng an suahsan lai zuk suai hai seh, cun biakʔheng le vangro zuk khal suai cih hai seh.</li></ul>

### A3 Thuanthu 1

#### Jesu in Peter a ko – Hih thuanthu cu Bawipa Jesu dung thlun thu a si.

<b>THEIHTER AW</b>	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Jesu in amah thawn hnaṭuan dingah bawmtu le hmai lam cān ih a hnaṭuan pehzāwmtu ding a ṭul.</li> <li>• Amah bawmtu si dingah, Jesu dung kan thlun le a thu kan lun a ṭul.</li> </ul> <p><b>Bible Cāng Hril:     <i>Mathai 4: 19</i></b>  <b>Bible Thuhlawm:    <i>Mathai 4: 18 - 22</i></b></p>
<b>THEIHTER AW</b>	<ul style="list-style-type: none"> <li>• Rualpi thuhla relpi hai aw. Khui hmun ah an rualpi an tawng hmaisabik? Ziangruangah rualpi neih hi thil ṭha a si? Ziangvek rualpi neih hi a ṭha? (An theih theinak dingah mal lai sim hai hnik - ngil nei, mibawm duh, rinsantlak..... )</li> <li>• Bawipa Jesu khal in rualpi ṭha a neihzia le cuih thu mal lai tuihni ih kan zir ding thu simfiang hai aw.</li> <li>• Zuk tar aw. Ngakaitupawl cu cuih Tili ah nga an kai. Nga an kaihdan ding simfiang hai aw (Lāwngte tepawl, sur tivek...). Hna khunghar a si!</li> </ul>
<b>ZIRH AW</b>	<ul style="list-style-type: none"> <li>• Jesu in Peter le a naupa a ko hai (<b><i>Mathai 4: 18 – 19</i></b>). Hi hlanah Peter le John in Bawipa Jesu an rak tawng ih, ziangtluk mipawimawh a si ti an thei. Atu cun Jesu in an ngakaih hna bansan tahratin amah thlun ih an hnaṭuan an bāwm ding a duh! <i>Jesu ih a hman mi ṭawngkam taktak hmang awla, an hna thar cu minungpawl Jesu thei dingih hruai a si ding thu simfiang hai aw. Hna hleice ṭuan dingah Jesu in a rak ko hai a si!</i></li> <li>• Peter le Andru in an sanglet (<b><i>Mathai 4: 20</i></b>). Hih tuah ding mi thil a si ti an thei lohli. Hmakhatteah Jesu an thlun lohlinak in cuih hna hleice ṭuan an duhzia an langter. <i>Nauhakpawl in hmakhatteih thu an lun lohlinak an nun thawn khaikhin aw. Peter le Andru in ziangvekin lungput nei hai pei maw, na ruahnak in zingzawi aw (Jesu in special ih a kawh hai ruangah an phur tuk ding ih an lung a awi zet ding). Level 2 nauhakpawl hrangah, atu ah annih cu Jesu dungthluntu an si thlangzia simfiang hai aw. A sullam cu Jesu a fehnak kip ah thlun tahratih, a hnen ih si zir le a thu lung ding an si.</i></li> <li>• Jesu in James le John a ko hai (<b><i>Mathai 4: 21, 22</i></b>). Cuih ni tho tho neta ah, Jesu in a dang ngakaitu pahnih a kobet ih, annih khalin Jesu cu an thlun ve (Level 2).</li> <li>• <i>Bawipa Jesu in kannih khal a dungthluntu kan si ding a duh. A dungthluntu kan si ahcun, a hna hrangah in hmang thei ding. Bible thuanthu ih ngakaitupawl vekin, Jesu-ih kamsuakthupawl kan thlun a ṭul. Jesu-ih kamsuakthupawl khui ah ngan an si? (Bible a thupitzia tarlang aw)</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Jesu in a dungthluntu hmaisabikpawl a ko.</p>
<b>ZIR AW</b>	<p>A ṭulnaknak ah Bible Cāng Hril kha zirh awla, nauhakpawl in “minung kaitu” ti kha an theithiam maw theithiam lo ti hlaikhlai aw - <b><i>Mathai 4: 19</i></b></p>
<b>CING RINGRING AW</b>	<ul style="list-style-type: none"> <li>• Jesu in minungkaitu ding hmun khat ah paziat saw a kawh?</li> <li>• Khui tawkah hna an ṭuan?</li> <li>• Andru-ih unaupa kha zo a si ta?</li> <li>• Jesu in ziang an hung si ding tiah a tiamkam hai?</li> <li>• Jesu dung an thlun tikah khan Peter le Andru in ziang an tan ta?</li> <li>• Jesu dungthluntu si an duhzia Peter le Andru in ziangtin an langter?</li> <li>• A dang unau hnih Jesu ih a kawh mi kha zo an si?</li> <li>• Jesu a rat tikah khan James le John in ziang an tuah?</li> <li>• Lāwng sungah an zawngah zo a um?</li> <li>• Himi catluan hi kimter aw – Jesu dungthluntu si kan duh ahcun, a kamsuakthupawl kan _____ a ṭul.</li> </ul>

### A3 Thuanthu 2

#### Jesu in Peter a bawm – Hih thuanthu cu Peter in misual a sizia a zir thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Jesu-ih huham in Peter-ih nun a khawih.</li> <li>• Jesu cu Pathian Fapa a si ih, Peter in a dung a thlun vekin a dung kan thlun ve ding a duh.</li> </ul> <p><b>Bible Câng Hril:     <i>Luke 5: 10</i></b>  <b>Bible Thuhlawn:    <i>Luke 5: 1 - 11</i></b></p>
<b>THEIHTER AW</b>	<ul style="list-style-type: none"> <li>• Nauhakpawl kha ziang thil tuah dingah an tha ti sut hai aw. Nauhak pakhat cio in thil thiam le titheinak bangaw lo an nei cio ti kha theiher hai aw.</li> <li>• Peter cu ngakaih ah a ti tha thei zet. Cãn reipi ngakaih hna a rak tuan. Asinan tuihni ih thuanthu kan zir mi ah cun, hlawhtling dingah Peter in Jesu ih khihmuahnak a thlun le a lun a tul ti a zirh! (Vei hnih vei khat cu Peter hi Simon asilole Simon Peter tiih kawh a si thu na simfiang hai a tul men thei)</li> </ul>
<b>ZIRH AW</b>	<ul style="list-style-type: none"> <li>• Nauhakpawl kha thuanthu an rak zir zo mipawl simtersal hai aw. Tuihni ih thuanthu ah cun, Jesu in Peter-ih Lãwng a hmang ih, mipi Pathian Kamsuakthu a zirh thu a si (<b>Luke 5: 1 – 3</b>).</li> <li>• Jesu in Peter thu a pe. Jesu in Peter hnenah ti thuknak lamah feh awla, na surpawl thlak aw, cule nga na awk ding tiah a ti (<b>Luke 5: 4 -5</b>). <i>Himi thu ah Peter in ziang vek lungput le ruahnak nei tak pei maw, ruat hnik.</i></li> <li>• Nga tam ngaingai an awk (<b>Luke 5: 6, 7</b>). <i>A mizan ahcun nga pakhat hman an awk lo ih, atu ahcun nga tam ngaingai a aw h thu kha reltlang uh.</i> Hihi thilmak a si! Nga Sersiamtu kha lãwng sungah Peter hnenah a um ih, Peter-ih sur sungih nga luttetu kha nga Sersiamtupaih huham a si.</li> <li>• Peter ziangtin a um (<b>Luke 5: 8, 9</b>). Peter in Jesu cu lamzin phun dangin a theih thlangzia simfiang hai aw. Jesu cu mi menmen Peter vek a rak si lo. Jesu cu huham ih khat Bawi Jesu a si; Peter cun misual a sizia a theisuak.</li> <li>• Peter-ih hna thar (<b>Luke 5: 10</b>). <i>Atu thawkin minung kaitu na si thlang ding tiah Jesu in Peter hnenah a ti! Kan dung zarh netabik ih um nauhakpawl kha minung kaitu tiih sullam an thei lai maw ti hliakhlai aw.</i> Jesu in thil thupi tuk tuahter duh mi a nei ti Peter in a theih ruangah thil ziangkim a tan ta ih, Jesu a thlun (<b>Luke 5: 11</b>).</li> <li>• <i>Bawi Jesu in a nasatzia le a huham kan theih ding a duh. Jesu cu kan nun ah kan nei thei. A thu thlun dingin le amah thlun dingin Peter bangin thutluknak kan tuah tikah thil a danglam nasa ding.</i></li> </ul> <p><b>Biblethu zir ding mi le tuah dingpawl kha tuah thluh aw.</b></p>
<b>ZIR AW</b>	<p>A tulnaknak ah Bible Câng Hril kha zirh aw - <b>Luke 5: 10</b></p>
<b>CING RINGRING AW</b>	<ul style="list-style-type: none"> <li>• Peter ih thil neih mi ziang bik Jesu in a hmang?</li> <li>• Mipi hnenih Jesu a tawng theh hnuah Peter kha ziang tuah dingin Jesu in a fial?</li> <li>• A netabik Peter nga a kaih kha ziang tikah a si?</li> <li>• Nga tam ngaingai a awh tikah Peter ziangtin a um?</li> <li>• Ziangruangah Jesu hmaika ah Peter a bawkkhup?</li> <li>• Nga tam ngaingai an aw h ruangah mi dang zopawl saw khawruahharis um?</li> <li>• Jesu in Peter kha atu thawkin ziang na tuah thlang ding tiah a ti?</li> <li>• Hi thuanthu cem lamah Peter le a rualpipawl in ziang an tuah?</li> </ul> <p>Tarlang aw: Kedan, cahnah le kaihci tivek umnak tlawng ah himi thuanthu na zirh asile, nauhak pakhat cio kha nga pakhat zuk suaiteer awla, phelter aw. Cutin nga zuk an suai mipawl zaten hmunkhat ah nan ret pei, cule nauhakpawl in hih thuanthu cu an cing ringring ding.</p>



### A3 Thuanthu 3

#### Jesu in Thlisia le Tisual a Daiter – Hih thuanthu cu Bawi Jesu-ih huham thu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Jesu in Thlisia le Tisual a Daiter thei, ziangahatile anih cu Pathian Fapa a si.</li> <li>• Bawi Jesu cu Pathian Fapa a si ti kan zum a ʔul.</li> </ul> <p><b>Bible Câng Hril:     <i>Mathai 8: 27</i></b>  <b>Bible Thuhlawn:    <i>Mathai 8: 23 – 27</i></b></p>
ZIRH AW	<ul style="list-style-type: none"> <li>• Nikhua thuhla nauhakpawl relpi aw. Kan nikhua hi zamrang zetin a thlengaw lohli ʔheu maw? ʔhimnakah ruah a sur lohli, ni a tlangsal tivekin.</li> <li>• Nikhua in ziangtlukin harsatnak lăwng te a pe thei, thlipi in lăwng harsatnak a pek theizia nauhakpawl relpi aw. Tuihni ih kan zir ding mi thuanthu cu Jesu le a dungthluntupawl Galili Tili tánkai dingih lăwng te an hlau thu a si ding.</li> </ul> <ul style="list-style-type: none"> <li>• Dai Khepkhep. Thil ziangkim hahdam zet le buaibai um lo boruak langter aw, hmuh hai aw – a rei hlanah Jesu a itthat (<b><i>Mathai 8: 23, 24</i></b>).</li> <li>• Thlisia le Tisuar. Hmakhatteah thlisia le tisual a tho ih dungthluntupawl vansang an lam (<b><i>Mathai 8: 24</i></b>). Thilumdan ding sim hai vivo aw – thawmvang, tisuar in an lăwng a deng, dungthluntupawl in lăwng hlausuak an tum, an lăwng sungah ti a lut, ʔihin an au ...</li> <li>• Dungthluntupawl in an ʔih. <i>An lăwng pil dingih an ruah ruangah nasa zetih an ʔih le an thinphanzia simfiang hai aw.</i> Zamrangten Jesu an ʔhang ih, in run aw tiah an ngen. An ngendan ʔawngkam rori kha Bible vekin simsuak aw (<b><i>Mathai 8: 25</i></b>). Dungthluntupawl in amah an rinsan lo ruangah Jesu cu a bei a dawng. <i>Zumnak neih ti cu amah rinsan a si thu simfiang hai aw</i> (<b><i>Mathai 8: 26a</i></b>).</li> <li>• Jesu-ih huham. Cule Jesu in thlisia le tisuar a daiter (<b><i>Mathai 8: 26b</i></b>) zoh aw <b><i>Mark 4: 39</i></b>. <i>Thlisia le tisuar hmakhatteih an daih khepkhepzia kha rel uar aw!</i></li> <li>• Dungthluntupawl an mang a bang (<b><i>Mathai 8: 27</i></b>). <i>Thlisia le tisuar tlunih Jesu-ih huham an hmuh tikah anih cu mi danglam, anmah vek men a si lozia an theihsuah thu kha simfiang aw.</i></li> <li>• <i>Ziangruangah Jesu in thlisia le tisuar a daiter thei ti nauhakpawl in an theithiam maw theithiam lo ti kha suthliah hai aw. Jesu cu ziangkim Sersiamtu Pathian Fapa a si.</i></li> <li>• <i>Jesu cun kan leilung ih ziangkim tlunah, nikhua huam telin, huham a nei. Nauhakpawl kha an nun lamtuanih an tawn ding mi dinhmun a phunphun lak khalah Jesu an rinsan thei ding thu le anih cun ziangkim a uk thluhia theihter hai aw.</i></li> <li>• <i>Jesu cu Pathian Fapa rori a si ti kan zum a ʔul.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Jesu in thlisia le tisuar a daiter.</p>
ZIR AW	<p>A ʔulnaknak ah Bible Câng Hril kha zirh aw - <b><i>Mathai 8: 27</i></b></p>
CING RINGRING AW	<ul style="list-style-type: none"> <li>• Hih thuanthu hi khuiah a thleng?</li> <li>• Lăwng sungah zo so lut hmaisabik?</li> <li>• Thlisia a hran tikah tisuarpawl ziang an cang?</li> <li>• Tisuar a thawh tikah Jesu in ziang a tuah?</li> <li>• Ziangruangah dungthluntupawl in Jesu an va ʔhang?</li> <li>• Ziangruangah dungthluntupawl parah Jesu a bei a dawng?</li> <li>• Jesu in ziang thil pahnih a cawter?</li> <li>• Kan Bible Câng Hril kha ziang a si ta?</li> <li>• Ziangruangah Jesu in thlisia le tisuar a daiter thei si pei? A dungthluntu pakhat hman in an tuah thei lo mi a si</li> <li>• Jesu ih tuah mi thil khawruahharza kha ziangtin kan ko?</li> </ul> <p><b>Cangvai aw:</b> Drama zawngin tuahpi hai hnik, dungthluntu 12-pawl kha lăwng sungah an to; mi dangpawl in thlisia hrang thawm tuah hai seh. Nauhakpawl in cangvaihnak le thil cang mi thawi milaw zetzet ʔawngkam an ʔawngsuak laiah, upa pakhat in khaih thuanthu kha siarsuak seh.</p>

### A3 Thuanthu 4

## Jesu in Peter a Run – Hih thuanthu cu tawiteih Peter thla a cam thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"><li>• A thlacam sannak ah Jesu in Peter a run.</li><li>• Rundam si dingin Bawi Jesu kan zum/rinsan a ðul.</li></ul> <p><b>Bible Câng Hril: Mathai 14: 33</b> <b>Bible Thuhlawn: Mathai 14: 22 - 33</b></p>
<b>THEIHTER AW</b>	<ul style="list-style-type: none"><li>• Mi theifiang sinsin dingin anmah thawi cân na hmang. Tuih dinhmun tiangah Peter in Jesu-ih thuhla ziangtluk a zir ti kha nauhakpawl relpial hnik aw.</li><li>• An ruahdan simsuakter hai aw: ðhinnakah Jesu cu Pathian Fapa a si, Thilmak a tuah thei, Tipi tlun khalah thuneihnak a nei..tivekpawl.</li><li>• Tuihni thuanthu ahcun Peter in Jesu thuhla, Jesu sinak tamsin a zir ti thu a si ding.</li></ul>
<b>ZIRH AW</b>	<ul style="list-style-type: none"><li>• Jesu amah te lawng thlacam dingih a feh laiah dungthluntupawl cu lâwng in an feh (<b>Mathai 14: 22 – 23</b>). <i>Jesu nun ih thlacam a thupitzia simfiang hai aw.</i></li><li>• Thlisia le Tisuar (<b>Mathai 14: 24</b>). <i>Kan dung zarh ih thlisia thuanthu kha vun simsal hmaisata in, tuihni thuanthu kha sim hai aw.</i> Jesu in dungthluntupawl vansanglamin an um ti a hmuh ruangah zantim ah ti parah a feh (<b>Mathai 14: 25 – 27</b>). <i>Dungthluntupawl in ziangtin an ruat ih, ziangvek thinlung an nei pei ti sim hai aw.</i> Jesu-ih thapeknak ðawngkampawl kha hminsinsin aw.</li><li>• Peter-ih thil ngen. Jesu a si ngaingai maw ti kha Peter in theifiang a duh ih, ti parih feh ve dingin Jesu in amah Peter kha ko dingin a ngen! Jesu in, “Ra aw,” tiah a ti. Cule Peter cu lâwng ihsin a suak ih Jesu lam panin feh a thawk (<b>Mathai 14: 28 – 29</b>). A mit in Jesu lawng a zoh sung cu Peter khal ti parah a feh ko. Asinan tisuarpawl a zoh tikah Peter cu pil a thawk!</li><li>• Jesu in Peter cu a run. <i>Peter in amah run dingih Jesu a kawh lohlihan ðawngkam kha hmang aw (Mathai 14: 30 – 32).</i> An pahnih in lâwng sungah an lut ih thlisia le tisuar cu an dai. <i>Dungthluntupawl ih umdan le an ðawngsuak mi ðawngkam sim hai aw (Mathai 14: 35).</i></li><li>• <i>Ti sungih a pilnak ihsin Peter cu runsuah a ðul. Kan nun ih um sual ihsin runsuak kan ðul ve. Jesu lawng in in runsuak thei. Jesu khraws parih a thih ah khan kan sual ruangih dantatnak cu kan aiah a tuar a si. Amah kan zum/rinsan a ðul.</i></li></ul> <p><b>Biblethu zir ding mi le tuah dingpawl kha tuah thluh aw.</b> <b>Hmuh hai aw:</b> FBI – Ti parah Jesu a feh.</p>
<b>ZIR AW</b>	<p>A ðulnaknak ah Bible Câng Hril kha zirh aw - <b>Mathai 14: 33</b> <i>Pathian biak ti hi ziang a si ti simfiang hai aw. Jesu ziang vek a si ti an zirngah mi parah dungthluntupawl cu khawruahhar le lungawiaipuangin an um. Hmun kip ih um Jesu duhdawtpawl in himi hi an thinlung ihsin an ðawng ding mi thu a sizia simfiang hai aw.</i></p>
<b>CING RINGRING AW</b>	<p>Thusuhnak na tuah ding mi cu A3 thuanthupawl ihsin si seh. Cahnah fatete in tán awla nga zuk a tum le a te tiin suai aw. Thusuhnak na tuah mi sannak ah, hmai lamih na hmuh hai mi ngapawl kha nauhakpawl in kai hai seh. Nga zuk pakhat ciar parah khan hmat ziat ti na ngan thluh pei. Nauhakpawl kha group hnih ah then hai awla, hmat ngah tam sawnsawn tiin zuamawter hai aw.</p> <ul style="list-style-type: none"><li>• Hih thuanthupawl hi khui tawkih thilcáng an si?</li><li>• Hih Bible câng hi kimter aw: “I thlun uh, cule .....ka lo tuah ding.”</li><li>• Zopawl hnenah Jesu in hih thu hi a sim?</li><li>• Nga tam ngaingai an kaih tikah Peter in ziang a tuah?</li><li>• Hih Bible câng hi kimter aw, “Hi pa hi ziang vek minung a si pei? .....”</li><li>• Ziangruangah tlang parah Jesu a feh?</li><li>• Ziang in dungthluntupawl kha ðih le thinphang ko a tuah?</li><li>• Himi thuanthu ah Peter in Jesu thu ah ziang a zirngah?</li></ul>

## A4 Thuanthu 1

Peter a itthat – Hih thuanthu cu a Pa hnenih Jesu thla a cam thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Bawi Jesu nun ah thlacam hi thil thupi a si.</li> <li>• Kan hrang khalah thlacam hi thil thupi a si.</li> </ul> <p><b>Bible Câng Hril:     <i>John 15: 14</i></b>  <b>Bible Thuhlawn:    <i>Mathai 26: 36-46</i></b></p>
<b>THEIHTER AW</b>	<ul style="list-style-type: none"> <li>• Nauhakpawl in har an ti mi thilpawl relpi aw - thimnakah, peng hlatpi tlanzuamawknak ih netabik tikcucân, thusim rei zet ngai..tivatepawl.</li> <li>• Tuihni thuanthu cu, Jesu in a rualpi a si mi Peter ih bawm a ðul thu a si ding. Jesu in tuah dingih a fial mi kha Peter in a tuah thei maw ti kha hawlsuak hnik uhsi!</li> </ul>
<b>ZIRH AW</b>	<ul style="list-style-type: none"> <li>• <i>Hih thuanthu-ih dung lam thuhla simfiang aw.</i> Khraws parih a thihnak ding cân a nai thlang ti Jesu in a thei. A dungthluntupawl thawn zanriah netabik khal an rak ei zo. A Pa hnenah Jesu cu thla a rak cam ðheu ih, a rei hlanih a parih thil thleng ding mi hrangah ziangtlukin thlacam hi a thupi ti a thei. Thla a rak cam ðheunak hmun hmuan pakhat ah a dungthluntupawl cu a hruai hai. Tuihzan ah cun a rualpi hleice a si mi Peter, James le John cu a kiangnaiih thlacam ve dingin a hruai hai.</li> <li>• Jesu in Peter, James le John kha itthat loih thlacam dingin a fial hai (<b><i>Mathai 26: 36 – 37</i></b>). Jesu cu malte hla deuh ah a feh ih a Pa hnenah thla a cam. <i>Ziang vekin Jesu in a thinlung in a tuar ti simfiang hai aw. A thlacamnak in thil ziangkimah a Pa lunghmuitter a duhzia a lang</i> (<b><i>Mathai 26: 38 – 39</i></b>). Nazi pakhat hnuah, Peter le a rualpi pahnih te cu itthatin a hmu hai. <i>Jesu a beidawnzia relpi hai aw</i> (<b><i>Mathai 26: 40 –41</i></b>).</li> <li>• A vei hnihnak Jesu thla a camsal tik khalah a rualpipawl an ithah men a hmu hai leh (<b><i>Mathai 26: 42 – 43</i></b>).</li> <li>• A vei thumnak Jesu thla a cam tikah itthatin a hmu hai leh. <i>Peter le a rualpipawl in Jesu riah an siatterzia relpi hai aw. Culawng si loin hitivek thil harsa tikcucân ah thlacam an ðul zet nân, anmai hrangih thlacam khal an tlin lo</i> (<b><i>Mathai 26: 44 – 45</i></b>).</li> <li>• Cuih cân ah Jesu-ih ralpawl cu an ra thleng ih, Jesu cu an kai (<b><i>Mathai 26: 45b-46</i></b>).</li> <li>• <i>Thukharnakah, Pathian hnen ihsin cahnak ngahnak dingah le sualfawrhnak nehnak dingah thlacam nun kan neih a thupitzia sim hai aw. Thlacam an ðul zet cân, nauhakpawl ih an tawn mi dinhmun kha sim thei dingin tum aw.</i></li> <li>• <i>Peter le a rualpi pahnih khan Jesu in, “Ralring uhla, thlacam uh,” tiih thu a pek hai mi kha an tuah thei lo; Jesu in kannih in a thupek kan thlun ding a duh.</i></li> <li>• <i>Jesu cu thla a cam. Thla a cam ih, khraws lam panih feh theinak le kan hrangih nun liam theinak thazang a Pa in a pe.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Gethsemene Hmuan ah Jesu thla a cam.</p>
<b>ZIR AW</b>	<p>A ðulnaknak ah Bible Câng Hril kha zirh aw - <b><i>John 15: 14</i></b>. Nauhakpawl kha Jesu rualpi tiih kawh kan si thei hi ziangtluk thil sunglawi a sizia simfiang hai aw.</p>
<b>CING RINGRING AW</b>	<ul style="list-style-type: none"> <li>• Khui tawkah Jesu thla a cam?</li> <li>• A dungthluntu lakih zopawl so a zawngah thlacam hai sehla a duh?</li> <li>• Ziang hrangah Jesu thla a cam?</li> <li>• Jesu thla a cam tikah khan a thinlung ziangtin a um?</li> <li>• A vei khatnak Jesu thla a cam kha ziangtluk a rei?</li> <li>• Dungthluntupawl kha ziangruangah thla an cam thei lo si pei?</li> <li>• Jesu in thlacam dingin vei ziat a ngen hai?</li> <li>• Jesu thla a cam ðheh tikah ziang a cang?</li> <li>• Kan Bible Câng Hril kha ziang a si ta?</li> <li>• A thupek kan thlun asile, Jesu in ziang tin in ko ding?</li> </ul>

## A4 Thuanthu 2

### Peter in a do hai – Hih thuanthu cu Jesu an kaih tikih thilcang mi a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Amah kai dingin le that dingin Jesu in amah le amah kan hrangah a siangaw a si.</li> <li>• Kan nun lamtluanih thil harsa kan tawn tikah thinhengin tifel kan tum pang thei.</li> </ul> <p><b>Bible Câng Hril: Efesa 4: 26</b>  <b>Bible Thuhlawn: Mathai 26: 47 - 56</b></p>
<b>THEIHTER AW</b>	<p>Kan dung zarh ih kan zir mi thuanthu Gethsemene Hmuan ih thil cang mi kha simsal hai aw. Peter le a rualpipawl khan Jesu in a ngen hai vekin thla an rak cam lo. Atu ah thil harsa sinsin tawn ding a um. Ziang tak buah thlang hai pei maw?</p>
<b>ZIRH AW</b>	<ul style="list-style-type: none"> <li>• Hih thil cang mi hi mithlam ih cuang thei dingin simfiang aw. Zan a si ih, a dai thepthep ... hmakhatteah ralkappawlih kefeh thawm a thang. Peter le a rualpipawl thinlung ziang vek tak si pei maw?</li> <li>• Hmakhatteah Judas cu mipi lak ihsin a suak ih Jesu cu a hnam. <i>Judas ih a hnam kha ralkappawl in Jesu zo a si ti an theihthiamnak dingih hmainsinnak a buah mi a si thu kha nauhakpawl sim hai aw. 'Phiarsawm' ti sumlam simfiang hai aw (Biblethu Level 2 zoh aw) (Mathai 26: 47 – 50).</i></li> <li>• Jesu an kai ti Peter in a hmuh tikah, a thin a heng tuk ih, thahrumsuahn Jesu humhim a tum ih, mipi lakih mi pakhat a sat (<b>Mathai 26: 51</b>). <i>Peter vekin thin supaw thei loih um a awl zet. Nauhakpawl khali an tawn mi thin sup loih um awl zet mi sim hai aw. Hmakhatteah Peter cu a ralnam ret dingin Jesu in a sim. Jesu in Peter ih humhim a tul lo, ziangatile thil cang mi cu Pathian khawkhan mi sungih tel a si ti Jesu in a thei ti thu kha nauhakpawl simfiang hai aw. Jesu in a ralpawl in kaitahratih an thah ding a siangaw. Kanmah hrangah cupawl cu a pahlang a si. Jesu ih ruahdan le Peter ih ruahdan danglamzia sim hai aw. Jesu cu daiten a um men, a Pa hnenah thla a cam men. Thlacam nun nei lo Peter cun Jesu ih a rak duhsak mi daiteih um le nget zetih um nun a nei lo (<b>Mathai 26: 52 – 56</b>).</i></li> <li>• Thinphangih um dungthluntupawl khan Jesu an tan ta ih an tlanhlo. <i>Ziangruangah cutin an um si pei ti relpi hai aw (Mathai 26: 56b).</i> Peter lawngin Jesu thlun a tum, asinan cu khal cu an kaih ve lonak dingah hlat pi in a thlun! <i>Peter kha hmu lo hai sehla ziangtin um vivo pei maw ti mithlam ih hmu thei dingin nauhakpawl kha relpi hai aw (Mathai 26: 58).</i></li> <li>• <i>Bawi Jesu ta kan si ahcun, a hnenah thla kan cam thei, kan thinhengnak langtersuak lo dingin, supaw thei dingin kan dil thei. Zumtu sungih cêng Thlarau Thianghlim in dik le dingfel zetih nun theinak huhamcahnak cu zumtu a pe thei a si.</i></li> <li>• <i>Thinheng loin le a do zawng si loih thil kan va tifel tikah thil danglampi a suak thei a si.</i></li> </ul> <p><b>Biblethu zir ding mi le buah dingpawl kha buah thluh aw.</b>  <b>Hmuh hai aw:</b> FBI – Gethsemene Hmuan ah Jesu thla a cam.</p>
<b>ZIR AW</b>	<p>A tulnaknak ah Bible Câng Hril kha zirh aw - <b>Efesa 4: 26</b>. Kan thin a hen tikah a rang thei bikih rehterdan kan ngaihtuah a tulzia simfiang hai aw!</p>
<b>CING RINGRING AW</b>	<ul style="list-style-type: none"> <li>• Jesu-ih ralpawl thawn hmuan ah zo so ra?</li> <li>• Judas in Jesu cu zo bik hi a si ti theihternak ziang hmainsinnak a buah?</li> <li>• Jesu an kaih tikah Peter ziang a buah?</li> <li>• Peter in pakhat pah ziang bik a sattán?</li> <li>• Jesu in Peter ziang buah dingin a fial?</li> <li>• Zumtu in thinhengnak ziangtin a neh thei ding?</li> <li>• Jesu an kaih tikah dungthluntupawl ziang an buah?</li> <li>• Hlapi in zo in Jesu thlun a tum?</li> </ul> <p><b>Cangvai aw:</b> Hruaitupawl in thil ziang simaw ruangih thinheng kha drama vekih lăngter ding, a tlunih thinheng thu kan tarlăng vek khan.</p>

### A4 Thuanthu 3

#### Peter in a Phat – Hih thuanthu cu ngaidamnak a tulzia thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Vei hnih vei khat cu kan ralthat lo ruangah kan rualpi an tha kan nauter.</li> <li>• Bawi Jesu hrangih kan hlawhsam tikah, anih cu in ngaidam dingin a tiar.</li> </ul> <p><b>Bible Câng Hril: Sam 51: 7</b>  <b>Bible Thuhlawn: Mathai 26: 69 – 75</b></p>
<b>THEIHTER AW</b>	<ul style="list-style-type: none"> <li>• An aw ihsi mi kan theihthiamzia relpi hai aw. Nauhakpawl in telephone an hman asile, zo ka si ti an simawk lo khal le an aw ihsin zo a si ti an thei mai. Aw thluk in ɣawng a danglamter zia relpi hai aw – Khui khua lam ihsi ra na si ti le nan ɣawng aw thluk a danglamzia nauhakpawl sim hai hnik.</li> <li>• Kan dung zarh ih kan zir mi thuanthu thawn pehparawter aw – Nauhakpawl kha Jesu an kaih thu le dungthluntupawl an tlanhloh thu simsal hai aw. Asinan Peter cun Jesu parah ziang a cang ti theih a duh.</li> </ul>
<b>ZIRH AW</b>	<ul style="list-style-type: none"> <li>• Peter cu Puithiam Sang tual tiang a va thleng (<b>Mathai 26: 69a</b>). <i>Tual cu inn lengih um a sia zia simfiang hai aw. A cang thei asile, nauhakpawl ih theih zet mi inn tual kha sim hai aw. Zoh ding mi zuk suai aw- zan dai, meisa, kiltupawl le siahlawhpawl.</i></li> <li>• Siahlawhnu te in Peter cu a rak theithiam ih, Peter cu Jesu hnenih um mi a si thu mi dang a sim. Peter in nunaunute ih sim mi hi ziang a si ti ka thei lo tiah a ti (<b>Mathai 26: 69b-70</b>). <i>Peter thuphan a perzia nauhakpawl in thei hai seh. Jesu hnenah a rak um taktak! Ziangruangah Peter in thuphan a per ti hliakhlai aw.</i></li> <li>• Kãwtka lamih Peter a feh tikah, nunau dang pakhat in a rak theithiam lala. Peter cun Jesu cu ka thei lo lawlaw tiah a tisal thocho (<b>Mathai 26: 71-72</b>). <i>Nauhakpawl hrangah Level 2 hmang awla, “phat” ti ɣawngkam kha simfiang hai aw.</i></li> <li>• Malte hnuah, mi pakhat in Peter cu Jesu dungthluntupawlih ɣawng vekin a ɣawng tiah a ti. (Peter cu Galili ihsin a si, Jesu le dungthluntu dangpawl khal Galili ihsin an si. <i>Hih thu hin kan ɣawngkam le kan ɣawngdan in zo kan si ti a theihterzia sim hai aw</i>) Peter a thinphandan le a vei thumnak Jesu a phatzia sim hai aw.</li> <li>• Ar a khuang, cule Peter in Jesu in hi hlanih a hnenih a sim mi a vun mang (<b>Mathai 26: 34</b>). <i>Ziangruangah Peter a riah a sia ti simfiang hai aw (Mathai 26: 74b - 75).</i></li> <li>• Peter in thil a tisualzia sim hai aw. Jesu dungthluntu a sizia a phuang ngam lo ih, thuphan a per. <i>Kan zaten thil kan tisual cio.</i></li> <li>• Kan ɣawngkam le kan tuah mi in Jesu a riah kan siatter cãn a um theu. <i>Thil sual kan rak tuah mi cu Jesu in ngaidam in duh. Kan sual ruangah anih cu khraws ah a thi a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI - Peter in Jesu a phat.</p>
<b>ZIR AW</b>	<p>A tulnaknak ah Bible Câng Hril kha zirh aw - <b>Sam 51: 7</b>. Thlacam ti mi cu hihi a sizia simfiang hai aw. Kan sual in ngaidam dingin Bawi Jesu kan dil tikah, in khawlhfaai ih, vur hnakh varin kan thiangfai thluh a si! Thuhla simfiang hai aw.</p>
<b>CING RINGRING AW</b>	<ul style="list-style-type: none"> <li>• Khui tawkin Peter in a hngak?</li> <li>• Peter hnenih ɣawng hmaisabiktu kha zo a si?</li> <li>• Peter in Jesu ka thei lo tiah vei ziat a ti?</li> <li>• Ziangruangah Peter in cuvek thuphan a sim?</li> <li>• Peter in vei ziangzat ar khuang a thei?</li> <li>• Ar khuang a theih tikah Peter in ziang a vun mang?</li> <li>• Ziangruangah Peter a ɣap?</li> <li>• Jesu a riah kan siatter tikah ziang kan tuah pei?</li> </ul>

## A4 Thuanthu 4

### Peter in a duhdawt – Hih thuanthu hi Peter le Jesu an biakawt thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Peter in Jesu a phatsan hnuah, Jesu a duhdawtzia langter dingin canremcang dang peksal a si.</li> <li>• Bawi Jesu in amah kan duhdawt ding a duh.</li> </ul> <p><b>Bible Câng Hril: 1 John 4: 19</b>  <b>Bible Thuhlawm: John 21: 1 - 19</b></p>
<b>THEIHTER AW</b>	<ul style="list-style-type: none"> <li>• Nauhakpawl kha Peter thuhla an theih mi thuanthu hmaisabikpawl ruatsal dingin sim hai aw. Jesu in Peter a kawh hmaisabik tum ah khan Peter kha ziang hna a tuan</li> <li>• Cumi thăwk ihsin thil tampi a cangsuak ti kha simfiang hai aw. Peter cu Jesu-ih rualpi hleice lakih pakhat ah a cang, asinan Peter in Jesu a riah a siater (thuanthu pathum kan zir mipawl kha vun ruatsal hnik uh).</li> <li>• Cumi hnu rei lo ah, Jesu cu khraws parah thah a si, asinan a thosal. Tum dangdang ah vei hnih rori Jesu in a dungthluntupawl a tawng hai ih thihnak ihsi a thawhsalzia a hmuh hai! Cumi hnuah ni khat cu, Peter cu ngakai dingin fehsuak dingin thutluknak a tuah.</li> </ul>
<b>ZIRH AW</b>	<ul style="list-style-type: none"> <li>• Dungthluntupawl in zanvar sur an vawrh nan, pakhat hman an kai lo (<b>John 21: 3</b>). <i>Ziangvekin um hai pei maw, na ruahdan le na mitthlam ih na hmuh haidan sim hai aw – an bang zet ding, an ril a rawng ding, an bei a dawng fawn ding.</i></li> <li>• <i>Thilumdan ding sim hai ding – zingpitteah ni a suak, mi pakhat kha tili kapah a ding. Cu pa le dungthluntupawl an biakawkdan kha vun ruatin sim hai aw (John 21: 4 – 6a).</i></li> <li>• Pakhat pah fial hai bangin an sur an vawrh tikah nga 153 lai an awk. Hmakhatteah John in cu pa cu Jesu a si ding tiah a ruatsuak lohli. Peter cu a phur tuk ih, ti sungah a dawp, cule Jesu tawng dingin a feh (<b>John 21: 7–8</b>).</li> <li>• Jesu in an hrangah thawhhlam ei ding a tawrel (<b>John 21: 9–14</b>). <i>Tili kapih thawhhlam ei cu ziangvek a si pei ti kha na mitthlam in vun ruat awla, a ruah bân lo pi ih an hnenih Jesu a um le thawhhlam a ei ve cu ziangtin dungthluntupawl um tak hai pei maw!</i></li> <li>• Thawhhlam an ei hnuah, Jesu in Peter a bia. Vei thum rori Peter i duhdawt taktak asile tin a sut (<b>John 21: 15–19</b>). <i>Peter hrangah thil thupi tuk a sizia simfiang hai aw. Bawipa Jesu in Peter a ngaidam zo zia le hna hleice tuanter ding a neihzia a langter. Nauhak Level 2 hrangah, Peter in hi hlanah Jesu vei thum a phat ruangah, atu ah Jesu in Peter kha vei thum i duhdawt taktak asile tih thu a suhnak a si thu sim hai aw.</i></li> <li>• <i>Nauhakpawl kha Jesu ziangtlukin an duhdawt ti cekfelaw dingin tur hai aw.</i></li> <li>• <i>Jesu in Peter thu a suh mi kha ziangtin an sang ve pei? Kannih khal amah kan duhdawt ding le amah kan ren ding Jesu in a duh.</i></li> <li>• <i>Pathian in in duhdawt ih, in run dingin a Fapa a run thlahnak in in duhdawtzia a langter. Kan lehrulhdan ding cu amah duhdawt ve ding hi a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Galili ah Dungthluntupawl hnenah Jesu a lang, Jesu in Peter thu a sut.</p>
<b>ZIR AW</b>	<p>A tulnaknak ah Bible Câng Hril kha zirh aw - <b>1 John 4: 19</b></p>
<b>CING RINGRING AW</b>	<ul style="list-style-type: none"> <li>• Peter le a rualpipawl kha ziangtluk rei nga kai dingin sur an rak vawrh?</li> <li>• Khui lamah an surpawl vawrh dingih fial an si?</li> <li>• Nga ziangzat an kai?</li> <li>• Jesu a si ti theisuak hmaisabiktu kha zo a si ta?</li> <li>• Jesu va pan hmaisabik duhtu zo a si?</li> <li>• Ti sungih a dawp hlanah Peter in ziang a tuah?</li> <li>• Zo in thawhhlam a timlam?</li> <li>• Thawhhlam ah ziang an ei?</li> <li>• Jesu in Peter kha vei thum rori ziang thu a sut?</li> <li>• Kan Bible Câng Hril kha ziang a si ta?</li> </ul> <p><b>Cangvai aw:</b> Hih thuanthu hi drama in tuah uh (thimnakah. Nga kai dingih sur vawrh, tili kapah mi pakhat ding, ti sungih dawp, sur in nga an awh tikih an dirdan, nga pa ziat ti an siar), cule nan mithmai khal in thilumdan vekin langter fawn uh (thimnakah, beidawng zetin, khuaruahharin an um, lungawi zet.....). Nauhakpawl hnenah Bible kha a siarin siarsak hai awla, mual a nei zet men thei, cule a thuanthu kha drama in hmun remcang ah cangvaiteer hai aw.</p>

## A5 Thuanthu 1

### Abram in Inn a suahsan – Hih thuanthu hi Abrahm in Pathian a rinsan ti mi a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Abram in Ur suahsan tahratin ram thar ih a thawn kha, Pathian thu a lun ruangah a si.</li> <li>• Thulunnak in Pathian kan rinsanzia kan langter thei.</li> </ul> <p><b>Bible Câng Hril: Thufim 3: 5</b>  <b>Bible Thuhlawn: Semtirnak 12: 1-9</b></p>
THEIHTER AW	<ul style="list-style-type: none"> <li>• Umnak inn thawn thu nauhakpawl relpi hnik aw, nauhakpawl in teh an tawng dah maw?</li> <li>• Nauhakpawl kha sut hai hnik aw, an umnak kel inn ihsin ram dang hla zet ih va vaih cu ziangtin um hai pei maw? – An phur pei maw? Tihphannak an nei pei maw? An riah a sia pei maw? An lung a awi pei maw? Ziangruangah ti kha sut hai aw.</li> <li>• Abram thuhla theihter hai awla, Ur khawpi ih a umtudan ziangvek a si pei ti simfiang hai aw – a sungkua, a rualpipawl, a inn, a rannungpawl, a neihnunnak....Nun nuam zetin a um!</li> </ul>
ZIRH AW	<ul style="list-style-type: none"> <li>• Ni khat cu Pathian in Abram hnenah, “Na inn suahsan awla ka lo hmuh ding mi ram ah feh aw,” tiah a ti (<b>Semtirnak 12: 1</b>). <i>Pathian in Abram ziang ti ding a fial mi hi thil har a si pei? (Inn ih nun nuam zetih a um le khui tawkah a feh ding ti thei lo ih a feh luihlo kha a si ding)</i></li> <li>• Pathian in Abram hnenah thutiamkam a tuah (<b>Semtirnak 12: 2-3</b>). <i>Pathian thutiamkampawl cu thil tha an sizia simfiang aw – thimnakah, miphun ropi ih hung can ding, hmin ropi neih ding. Pathian in Abram thlawsuah pek a duh. Pathian in mi pakhat khat thlawsuah a pek tikah, a thatnak a hmuh hai hi a si.</i></li> <li>• Abram in Pathian thu a lung (<b>Semtirnak 12: 4</b>). <i>Ziangruangah Abram in Pathian thu a lung si pei, ziangtin na ruat? (Pathian thutiamkampawl a zum/Pathian a rinsan)</i></li> <li>• Abram zawngah zo an um ti simfiang aw – a nupi Sarai, a tupa Lot, a siahhlawhpawl le lamzin khiihmuhtu dingah Pathian khal a um. <i>Kalaukpawl thawn ziangtivatekin khual hlapi pi an tlawngdan ding, ramcar ah reipi pi thlam an sak ding ih, an camdanpawl mitthlam ah suai in sim hai aw.</i></li> <li>• A netnakah Kanaan ram ah Abram a thleng (<b>Semtirnak 12: 6-9</b>).</li> <li>• <i>Atu ah Abram cu ziangtin um tak pei maw? Biaktheng sak cu Abram in Pathian hnenih a lungawinak langternak lamzin a sizia simfiang aw.</i></li> <li>• <i>Ziangvek dinhmun ah Pathian in amah kan rinsan ding a duh thu simfiang hai aw.</i></li> <li>• <i>Cucu Pathian rinsan pumhlum a sizia simfiang hai aw; tuah ding thil hrangah amah rinsan ding kan si, kanmai cahnak le thiamnak men rinsan loin.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Kanaan ram ah Abram a vai.</p>
ZIR AW	<p>A tulinaknak ah Bible Câng Hril kha zirh aw - <b>Thufim 3: 5</b>. Himi Bible câng in Abram in ziang a tuah ti a tarlang – amai duhdanin tuah men loin, a thinlung zaten Abram in Pathian a ring.</p>
CING RINGRING AW	<p>A hnuaiih kan tarläng mi thupawl kha “a si” ti le “a si lo” ti in sang aw!</p> <ul style="list-style-type: none"> <li>• Pathian in Abram a bia.</li> <li>• Mangtam ruangah Abram in a inn a suahsan.</li> <li>• Abram thlawsuah pe dingin Pathian in a tiam.</li> <li>• Inn a suahsan tikah Abram cu kum 70 mi a si.</li> <li>• Khui tawkah a feh ding ti Abram in a thei.</li> <li>• Abram in Lot ti mi fapa a nei.</li> <li>• Kanaan ram ah Pathian in Abram a hruai.</li> <li>• Ram thar ah Abram cu inn ah a cêng.</li> <li>• Abram in Pathian a rindan cu a thu a lunnak in a si.</li> <li>• Pathian in amah kan rinsan ding le a thu kan lun ding a duh.</li> </ul>

## A5 Thuanthu 2

### Abram le Lot – Hih thuanthu cu Lot in amai ñanghmasial ih duhhrilnak a tuahnak a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Lot in amai ñanghmasial zawngin duhhrilnak a tuah, cucu thil ña lo zet a si.</li> <li>• Duhhrilnak dik tuah hi a thupi tuk lawmmam.</li> </ul> <p><b>Bible Câng Hril:     <i>Filipi 4: 19 asilole Semtirnak 13: 15</i></b>  <b>Bible Thuhlawn:     <i>Semtirnak 13: 1-18</i></b></p>
<b>THEIHTER AW</b>	<ul style="list-style-type: none"> <li>• Nauhakpawl in duhhrilnak an tuah ñeu dan relpi hai awla, mi dangin hril hmaisai hai seh. Nan nunphung ih hman theih mi ziang si maw hril hnik aw.</li> <li>• Thuelawknak le tawhawknak thuhla sim hai awla, rualpi ña sinak ziangtlukin a tisiat thei ti sim hai aw.</li> </ul>
<b>ZIRH AW</b>	<ul style="list-style-type: none"> <li>• Abram-ih siahhlawhpawl le Lot-ih siahhlawhpawl cu an ñilvapawl ih ei ding mi thuhla ah an elaw, an to-aw (<b><i>Semtirnak 13: 5–7</i></b>).</li> <li>• Abram cun tawhawk le thuelawk hi a ña lo ti a thei ih, ngil nei zetin a ñilvapawl tlanternak ding ram a duhduh hril dingin a fial (<b><i>Semtirnak 13: 8–9</i></b>).</li> <li>• <i>Lot a duhduh hril dingih a hmaiilang le um mi rampwl kha zuk in langter hnik aw</i> – hmunrawn – Jordan tiva ih si tidai ih hnawnter mi leiram ña phairawn pi, cuih hmun ih hramhring ña ña kho mi le tlang ram, ram car le hrampi khal um lem lonak ram thawn khaihnik. Lot in khui mi deuh a hril na zum?</li> <li>• Lot-ih duhhrilnak (<b><i>Semtirnak 13: 10–13</i></b>). <i>Ziangruangah Lot in kha vek a hril? (Ña zetih lang a hmu ih, amai hrangih neih a duh a si.) Lot cu a duham ih ñanghma a sial fawn, kannih khal kan si thei men. Lot ih a hril mi ram cu a ruah vekin duhthusam le umnak ña a rak si lo, zianghtile cuih ram ih um minungpawl in Pathian lung an hmuiter lo.</i></li> <li>• Abram le Lot an ñenaw, asinan ni khatkhat ah Abram le a sungkuapawl cu Abram ih hmuah mi ram hmuahhmuah kha Abram pe dingin a tiam (<b><i>Semtirnak 13: 14–18</i></b>).</li> <li>• <i>Abram dinhmunah ding hnik awla, ziangtin na thinlung a um pei? Pathian in i bum tiah na ruat pei maw? (Abram in Pathian thutiamkam a neih mi cu Lot ih hril mi hnakin a ñasawn)</i></li> <li>• <i>Lot cun duhhrilnak ña lo a tuah a si. Duhhrilnak ña le fim kan tuah a ñul. Duhhrilnak ñabik kan tuah thei mi cu Bawi Jesu Khrih kan nunnak ah ra ih, kan sualpawl in ngaidam ding hi a si.</i></li> <li>• <i>Pathian in Abram-ih ñul mi hmuahhmuah a pek vekin, Pathian cun kan hrangih a ñabik a thei ih, kan ñul mi khal in pe thei thluh ti kha rel uar aw. A thutiamkam tisuak dingin Pathian a rinumzia sim hai aw.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuah hai aw:</b> FBI - Abraham le Lot an ñenaw.</p>
<b>ZIR AW</b>	<p>A ñulnaknak ah Bible Câng Hril kha zirh aw - <b><i>Semtirnak 13: 15 asilole Filipi 4: 19</i></b>, nauhakpawl ih an rak zir mi thuanthu thawn pehtlaiawter aw.</p>
<b>CING RINGRING AW</b>	<p>Hih thuanthu cu Abram in biakñheng a dawl tiin a cem.          Group na ñen ding ih, thusuhnak dikih a sangtutu in lungto tete kha sar hai seh (<b><i>Semtirnak 13: 1–6</i></b>). Lungto ngaingai asilole ball pen ih suaicawp mi lungto khal hman a theih ko. A nehtu group in biakñheng an co ding.</p> <ul style="list-style-type: none"> <li>• Abram cu mineinung a si ti ziangtin kan thei?</li> <li>• Elawknak cu tawpter a ñul ti zo in thutluknak a tuah?</li> <li>• Zo in duhhrilnak a tuah hmaisai?</li> <li>• Lot in ziang tiva a hei hmu?</li> <li>• Ziang dinhmun lamah Lot a feh?</li> <li>• Lot ih hril mi hmun kha ziang a ña lo?</li> <li>• Pathian in khui lam zoh dingin Abram a fial?</li> <li>• Pathian in Abram hnenah ziang a tiamkam? (ram le sungkua)</li> <li>• A dawl mi biakñheng ah Abram in ziang a tuah?</li> <li>• Kan nunnak ih kan tuah mi duhhrilnak thupibik ziang a si?</li> </ul>



### A5 Thuanthu 3

#### Abram hnenih Pathian thutiamkam – Hih thuanthu cu Pathian thukiamkam zum thu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Pathian in hmai lam a theih ruangah, a cangsuak ding mi thutiamkam a pe thei a si.</li> <li>• Pathian in a thutiamkampawl kan zum ding a duh.</li> </ul> <p><b>Bible Câng Hril: 1 Korin 10: 13 asilole Semtirnak 15: 6</b>  <b>Bible Thuhlawn: Semtirnak 15: 1-7</b></p>
ZIRH AW	<ul style="list-style-type: none"> <li>• Nauhakpawl hnenih tuah thei mi thutiamkam kha tahthimnak hmangin sim hai aw. Cuih thutiamkam an hngah rero laiah an langter thei mi an rinnak le cuih thutiamkam a thlenkim taktak ding hei thlir ih a phurumzia rel uar aw. (boruak umdan ruangih danglamter theih lo mi thutiamkam zohthim ding sim hai aw)</li> <li>• Minung cun kan thutiam kan tlawlh thei, asinan Pathian cun a thutiamkam a kaihnet ringring!</li> </ul> <ul style="list-style-type: none"> <li>• Pathian in Abram cu mang ah a bia ih, fapa a tiam (<b>Semtirnak 15: 1, 4</b>) <i>Hihi Abram hnenih Pathian thutiam hmaisaw thawn pehawter aw. Kum 90 luan zo mi Abram hrangah ziangtluk lungawiumza thuthangtha a si.</i></li> <li>• Pathian in Abram kha van arsipawl a zohter ih a tesinfa cu van arsi zatin an tam ding tiah a sim (<b>Semtirnak 15: 5</b>). <i>Van arsi siar cawk theih a si lozia ruat hnik! Nauhakpawl kha arsi an maksakzia le anmah sersiamtu a ropitzia relpi hai aw.</i></li> <li>• Abram in Pathian thutiamkam a zum (<b>Semtirnak 15: 6</b>). <i>Ziangruangah Abram in Pathian thutiamkam a zum ti simfiang aw.</i></li> <li>• Pathian in Abram le Sarai kha hmin thar a pe veve hai (<b>Semtirnak 17: 5, 15</b>). <i>Abraham-ih hmin thar sullam cu “mi tampiih pa”tinak a si. Abraham cun Pathian thutiamkam hi a cing ringring ding.</i></li> <li>• <i>Pathian in a Kamsuakthu Bible sungah thutiamkampawl kan hrangah a nei. Amah Pathian kan zum tikah kan hrangih Pathian thutiamkampawl tahthimnak hrangah sim aw.</i></li> <li>• <i>A jawngsuak mi kan zum tikah Pathian a lung a hmui.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Abraham hnenih Pathian thutiamkam.</p>
ZIR AW	<p>A tlnaknak ah Bible Câng Hril kha zirh aw - <b>1 Korin 10: 13</b> (Pathian cu a rinum) – Rinum tiih sullam cu a thutiamkam kaihnet dingah Pathian cu rinsan tlak a si tinak a si. <b>asilole Semtirnak 15: 6</b> – Abraham in Pathian a zum tikah Pathian a lung a hmui.</p>
CING RINGRING AW	<ul style="list-style-type: none"> <li>• Abram ziang luban si dingin Pathian in a tiamkam?</li> <li>• Mang asilole larnak ah Pathian in Abram ziang a tiamkam?</li> <li>• Abram nupi kha zo a si?</li> <li>• Pathian in Abraham hnenah ziang a zohter?</li> <li>• Pathian in arsipawl thawn ziang a khaikhin?</li> <li>• Himi thutiamkam Pathian in a pek tikah Abram in ziang a tuah?</li> <li>• Abram-ih hmin thar ziang a si?</li> <li>• Sarai-ih hmin thar ziang a si?</li> <li>• Kan hnenih a thutiamkam kan zir tikah Pathian in ziang kan tuah ding a duh?</li> <li>• “Zum” tiih sullam ziang a si?</li> </ul>

## A5 Thuanthu 4

### Abraham le amah lengtupawl – Hih thuanthu cu Pathian-ih thutiamkampawl cu a thlengkim taktak ding ti mi thu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Pathian in a thuchah cu lamzin phunphun in a thlah, a hleicein Bible ngan a si hlanah. Thuphurtu pathum pawl in hi thuchah hi Pathian hnen ihsin Abraham hnenah an run keng.</li> <li>• A thutiamkam parah Pathian cu a rinum – tuahsuak dingah a hrangah thil harsa zianghman a um lo.</li> </ul> <p><b>Bible Câng Hril:     <i>Semtirnak 18: 14</i></b>  <b>Bible Thuhlawm:    <i>Semtirnak 18: 1–15</i></b></p>
ZIRH AW	<ul style="list-style-type: none"> <li>• Rinlopiin mileng an ra thlen tikah nan nunphung ah ziangvekin nan tuamhlawm ðheu. Mikhual hmuahdan, tuamlawmdan drama in piahter hai aw.</li> <li>• Abraham hnenah a milengpawl an ratdan drama in hmuh hai aw – Abraham cu a puaninn sangkâ ah sundir laifangah a to ih mikhual an rat kha a hmu. Zo an si pei?</li> </ul>
ZIR AW	<ul style="list-style-type: none"> <li>• A mikhualpawl cu Abraham in a va hmuak hai ih, tidai le rawl a pe hai (<b><i>Semtirnak 18: 2–8</i></b>). <i>Sarah thuhla khal sim hai aw. Himi thuanthu na sim laiah – nizat laifang a sizia, ke sa zet parah tidai tawih thu, rawl rim tivek kha ruat phahin sim hai aw.</i></li> <li>• Rawl an ei hnuah, a mikhual pathum pawl cun hna kum atu tikcu ah Sarah in fapa a hring ding thuthang ðha cu Abraham hnenah an sim. (<b><i>Semtirnak 18: 9, 10</i></b>). <i>Ziangtin cuih mikhualpawl cun cuih thu an thei thei? Mikhualpawl zo an si ti kha simfiang hai aw – Van ihsi rung Pathian thuphurtu an si – pakhat cu Bawipa Jesu a si ih, a dang pahnih cu vancungmi an si. Relpi hai aw. Pathian thutiam cu a thleng zikte thlang!</i></li> <li>• Thil cang thei ih a ruah lo ruangah Sarah cu a hni, asinan Bawipa in thil cang thei lo cang ko buah dingin a tiam (<b><i>Semtirnak 18: 11–15</i></b>)! <i>Sarah a hnih tikah Pathian in ziang tin ruat tak pei maw, relpi hai aw.</i></li> <li>• Kum khat a kim tikah, Sarah in fapa a hring (<b><i>Semtirnak 21: 1–7</i></b>). <i>A lungawi dan ding zia relpi hai aw. Pathian in a thutiamkam a kaihngget maw? Level 2 nauhakpawl hnenah Isak hmin sullam simfiang hai aw (hni tinak a si)</i></li> <li>• <i>Kan hnenih a thutiamkampawl kaihngget dingah Pathian cu rinsantlak a si. Pathian hrangah thil harsa zianghman a um lo – Tuihni khalah cucu a dinhmun a si! Ziangtluk rinsantlak Pathian so a si!</i></li> </ul> <p><b>Biblethu zir ding mi le buah dingpawl kha buah thluh aw.</b>  <b>Hmuh hai aw:</b> FBI - Abraham le mikhual pathum.</p>
ZIR AW	<p>A ðulnaknak ah Bible Câng Hril kha zirh aw - <b><i>Semtirnak 18: 14</i></b></p>
CING RINGRING AW	<p>A hnuaiih thusuhnakpawl hi kan zir mi thuanthu thawn a pehparaw. A hnuaiih thusuhnakpawl hi hman na duh le na hmang thei, asilole A5 thuanthu hmuahhmuah sung ihsin nangmah te in thusuhnak na buah thei.</p> <ul style="list-style-type: none"> <li>• Mikhual an rat kha ziang tikcu ah a si?</li> <li>• Cuih cân ah khui tawkah Abraham a um?</li> <li>• Abraham in ziang buah dingin Sarah a fial?</li> <li>• Mikhualpawl kha ei ding ziang an pe?</li> <li>• Mikhualpawl in an thuhla an sim laiah khui tawkah Sarah a rak um?</li> <li>• Ziangruangah Sarah a hni?</li> <li>• Sarah in fapa a neihnak ding kum ziat a rei?</li> <li>• Naute hmin ziang an sak?</li> <li>• Isak a suah tikah Abraham kum ziat a si?</li> <li>• Ziangruangah Abraham le Sarah an lung a awi, an lungawinak san pahnih in ruat hnik? (Fapa an nei, Pathian in an hnenih a tiamkam mi a tuahsuak taktak)</li> </ul> <p><b>Cangvai aw:</b> Hih thuanthu hmaisai lam drama ih cangvai cu nauhakpawl in nuam an ti zet ding. Drama bawmtu upapawl lakin Abraham, Sarah, siahhlawhpa, le mikhual pathum dinhmun ih cangvaitu hril aw. Nauhakpawl kha group na ðhen pei ih, ðawngsuaktu ding kha a sawngawin na tuahter hai pei.</p>

## A6 Thuanthu 1

### Abraham in Pathian a ngaithla – Hih thuanthu cu duhdawtnak sangbik ih Pathian duhdawt thu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Abraham in mi dang zo hnak khalin le thil dang ziang hnak khalin Pathian a duhdawt bik.</li> <li>• Kannih khalin kan thinlung zaten Pathian duhdawt ding kan si.</li> </ul> <p><b>Bible Câng Hril:     <i>Semtirnak 22: 8 asilole Dān Peksalnak 6: 5</i></b>  <b>Bible Thuhlawm:    <i>Semtirnak 22: 1-9</i></b></p>
THEIHTER AW	<ul style="list-style-type: none"> <li>• Nauhakpawl kha thil thupi an ti mi ziang simaw lo sim dingin sut hai aw– Na nun ih thil thupibik ziang a si? Ziangruangah cumi cu a thupi?</li> <li>• Cuih an duhbik mi kha peksuak ding si ta hnik sehla ziangtin an thinlung a um pei? – Cuih thil peksuak mai cu na siang pei maw? An duhbik mi thil cu laksak si ta hnik sehla an thinlung ziangtin a um pei? Tuihni ih an zir ding mi thuanthu cu an hrangih thil thupibik a si mi Abraham in a peksuak thu a si ding thu simfiang hai aw.</li> </ul>
ZIRH AW	<ul style="list-style-type: none"> <li>• Abraham le Sarah hnenih a thutiamkam cu Pathian in a kaihngset ih fapa a pe hai. An fapa hmin cu Isak a si. An fapa cu an duhdawt zet (<b><i>Semtirnak 21: 1-3</i></b>).</li> <li>• Ni khat cu Pathian in Abraham kha Moriah tlang ah a fapa Isak hruai dingin a ngen. Isak cu minote a si. Isak kha a hnenih thihlan ih hlan dingin Pathian in Abraham a fial. Abraham in Pathian a duhdawt taktak maw ti Pathian in a hniksak. Cumi cun Abraham cu a riah a siater zet, asinan Pathian a rinsan ih, Pathian in tuah dingih a fial mi cu a tuah thocho (<b><i>Semtirnak 22: 1-2</i></b>). <i>Abraham in a thinlung zaten Pathian a duhdawt. Pathian țawngkam a ngaithla ih, thil harsa zet si khal sehla, Pathian in tuah dingih a fial mi cu tuah a tum.</i></li> <li>• Zingpitteah, Abraham cu khaulawng dingin a tiar. Raithawinak hrangah thing a cek ih, a zawngah siahhlawh pahnih, lāk le a fapa a hruai (<b><i>Semtirnak 22: 3</i></b>).</li> <li>• Ni thum hnuah, Pathian ih a hril mi tlang an thleng. Siahhlawh pahnih te cu Abraham in an lāk thawn rak hngak hrih dingin a fial hai. Abraham in namte le meisa a keng ih, Isak in thing a phur (<b><i>Semtirnak 22: 4-6</i></b>).</li> <li>• Tlang an kai tikah, Isak in a Pa hnenah, biaktheng parih thawi ding mi tuufano teh khuiah so tiah a sut? Abraham in, “Ka fapa, Pathian in tuufano cu a tumcawp mai ding,” tiah a ti (<b><i>Semtirnak 22: 7-8</i></b>).</li> <li>• <i>Abraham in Pathian thu a ngai, ziangahthile Pathian a duhdawt. Pathian in kan thinlung zateih amah kan duhdawt ding le in fial mi hmuahhmuah kan tuahsuak ding a duh.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI - Abraham le Isak.</p>
ZIR AW	<p>A țulnagnak ah Bible Câng Hril kha zirh aw - <b><i>Semtirnak 22: 8 asilole Dān Peksalnak 6: 5</i></b></p>
CING RINGRING AW	<ul style="list-style-type: none"> <li>• Abraham fapa hmin zo a si?</li> <li>• Pathian in Abraham feh dingih a fialnak tlang hmin kha ziang a si?</li> <li>• Abraham in siahhlawh paziat a hruai?</li> <li>• Abraham in ziang rannung a hruai?</li> <li>• Feh an tum mi tlang va thleng dingah ni ziat an rei?</li> <li>• Abraham in zo in tuufano a tumcawp mai ding tiah a ti?</li> <li>• Abraham in zo dang hmuahhmuah hnakin le thil dang hmuahhmuah hnakih a duhdawt mi zo a si?</li> <li>• Kan thinlung zateih kan duhdawt ding mi zo a si?</li> </ul>

## A6 Thuanthu 2

### Abraham in Pathian thu a lung – Hih thuanthu cu tuucang in Isak-ih hmunram a luah thu a si.

	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Pathian in Isak hmunram luahtu ding tuucang a pe.</li> <li>• Kan sual ruangih khraws parih a thih kha, Jesu in kan hmunram a luah hi a si.</li> </ul> <p><b>Bible Câng Hril: Galatia 2: 20</b>  <b>Bible Thuhlawn: Semtirnak 22: 9-14</b></p>
<b>THEIHTER AW</b>	<ul style="list-style-type: none"> <li>• Nauhakpawl kha thil an ti tuah mi ruangah dantat si thlang ding dinhmun thleng hnuk hai sehla, ziangtin um hai pei maw ti sut hai hnukaw.</li> <li>• Cule nauhakpawl kha cuh dantatnak cu mi pakhat khat in an aiawhin a tuar si ta bang hnuk hai sehla- ziangvekin an thinlung a um pei?</li> <li>• Tuihni ih kan zir ding mi thuanthu cu Isak-ih hmun luahsak a si thu nauhakpawl kha sim hai aw.</li> </ul>
<b>ZIRH AW</b>	<p>An rak zir zo mi thuanthu hmuahhmuah kha nauhakpawl simsal hai aw.</p> <ul style="list-style-type: none"> <li>• A netabikah Abraham le Isak cu tlang zim an hung thleng, cu tawkah lungto in biaktheng an dawl. Isak cu biaktheng parah hlum a si (<b>Semtirnak 22: 9-10</b>).</li> <li>• Pathian hnenah Abraham in Isak a hlân zik zawngah, Van ihsin vancungmi in a fapa tuahmawh lo dingin Abraham cu a run dawn. Atu ah cun Abraham in Pathian ziangtlukin a duhdawt ti a langter zo (<b>Semtirnak 22: 11-12</b>).</li> <li>• Abraham cun khua a cuan ih phül lakah tuucang pakhat a ki ih awkawin a hmu. Isak aiah Abraham in tuucang cu biaktheng parah cun a hlum (<b>Semtirnak 22: 13</b>).</li> <li>• <i>Tuucang in Isak ih hmun a luah ti Abraham le Isak in an theih tikah ziangtin an um nan zum?</i></li> <li>• <i>Jesu Khrih khraws parih a thih kha kan aiawhih thi a rak si. Thil sual kan rak tuah cio, asinan Jesu Khrih in kan aiawhin dantatnak a tuar, a thih tikah khan.</i></li> <li>• <i>Kan hrangah Jesu a thi, ziangah tile in duhdawt ih kan sual ruangih kan thih ding in siang lo.</i></li> <li>• <i>Amah kan duhdawt ve ding le kan ai a aw h ruangah ka lungawi tih amah kan sim ding a duh.</i></li> <li>• <i>Jesu in a lo duhdawt ih na hrangah a thi ti na theihnak in ziang vek thinlung a lo neiter?</i></li> <li>• <i>Jesu kan duhdawtzia ziangtin kan langter thei ding?</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI - Abraham le Isak.</p>
<b>ZIR AW</b>	<p>A ðunaknak ah Bible Câng Hril kha zirh aw - <b>Galatia 2: 20</b></p>
<b>CING RINGRING AW</b>	<ul style="list-style-type: none"> <li>• Abraham ih a dawl mi biaktheng kha khuiah a um?</li> <li>• Biaktheng dawlnak hrangah ziang an hmang?</li> <li>• Van ihsin zo in a run be?</li> <li>• Vancungmi in Abraham hnenah ziang a run sim?</li> <li>• Pathian in Abraham ziang a hmuh?</li> <li>• Ziang in biaktheng parah Isak-ih hmun a luah?</li> <li>• Khraws ah zo in kan hmunram a luah?</li> <li>• Ziangruangah khraws parah Jesu a thi?</li> </ul>

### A6 Thuanthu 3

**Pathian in mi a bawm – Hih thuanthu cu Pathian in lamzin mi a khihhmuh ti thu a si.**

<b>THEIHTER AW</b>	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Siahhlawhpa in Pathian hnenah bawmnak a dil ih, Pathian in a bawm.</li> <li>• Kannih khal in Pathian hnenah bawmnak kan dil asile, in bawm ve ding.</li> </ul> <p><b>Bible Câng Hril:     <i>Semtirnak 24: 27 asilole Mathai 7: 7</i></b>  <b>Bible Thuhlawm:    <i>Semtirnak 24: 1-28</i></b></p>
<b>ZIRH AW</b>	<ul style="list-style-type: none"> <li>• Nauhakpawl kha anmah bawmtu milai zo an si ti ruat dingin sim hai aw – Zo in a lo bawm? Ziangvek thil in/ah an lo bawm? An lo bawm tikah ziangtin na um, na lung a awi maw, na thin a heng?</li> <li>• Nauhakpawl kha mi an bawm cân a um ding, an mi bawm thuhla sim dingin fial hai aw.</li> <li>• Tuihni ih kan zir ding mi thuanthu cu Pathian in mi a bawm thu a si ding.</li> </ul>
<b>ZIR AW</b>	<ul style="list-style-type: none"> <li>• Abraham cu a tar thlang ih, a thih hlanah a fapa Isak in lungawi zetih nupi a thit ding a duh. Curuangah a siahhlawh bawibik hnenah a fapa hrangah nupi hawl dingin a fial. A fapa nupi hmu dingin Pathian in Isak nupi hrangih a duh mi nunau hnenah hruai dingin le zumnak nei dingin a siahhlawh hnenah Abraham in a cah (<b><i>Semtirnak 24: 1-9</i></b>). <i>Isak hrangah nupi hawl dingin Abraham in a siahhlawh a fial tikah ziang thinlung a neih na zum?</i></li> <li>• Siahhlawh cun Abraham-ih kalauk pahra a hruai ih khaultlawn a thawk. Ni tampi khaultlawngih a feh hnuah, Nahor khaw kiang tikhur ah a cawl. Tlai lam a si ih, tikhur ihsin tidai khai dingin a fehsuak (<b><i>Semtirnak 24: 10-11</i></b>).</li> <li>• Siahhlawh cun Pathian hnenah cuh falapawl lakah Isak nupi ding an um asile, Pathian in khihhmuh dingin thla a cam. In ding tidai a dil pei ih, falanu in tidai a pe ih, a kalauk 10 pawl khal tidai a pek asile cu nu cu Pathian in Isak nupi dingih a duh mi si seh tiah a ti (<b><i>Semtirnak 24: 12-14</i></b>).</li> <li>• A rei hlanah fala mawite pakhat tikhur lam panih ra a hmu. A hmin cu Rebekah a si. In ding tidai a dil tikah, cu nu cun lungawi zetin in ding tidai a pe ih, a kalaukpawl hrang khalah tidai khawpkhamin a pe hai. <i>Cutikah siahhlawh cun ziangvek thinlung a neih na zum? (<b><i>Semtirnak 24: 15-21</i></b>)</i></li> <li>• A pu Abraham hnen ihsin a ken mi laksawngpawl cuh falanu a pek hnuah, an inn ah riah a ngah pei maw tiah a dil. Riahnak ding pindan tampi a um tiah a sim hnuah, siahhlawh cu a lu a kun ih, a thlacam a phi a pek ruangah le Isak nupi ding fala a hmuhngah ruangah Pathian hnenah lungawi thu a sim (<b><i>Semtirnak 24: 22-27</i></b>).</li> <li>• <i>Thil harsa tuah dingin tuanvo pek na si dah maw? Tahthimnak tha relpi hai hnik aw..</i></li> <li>• <i>Zo hnenah siahhlawh in bawmnak a dil?</i></li> <li>• <i>Zo hnenah bawmnak kan dil thei? Hril ding le thutluknak tuah ding kan neih tikah, Pathian in in bawm le in hruai a duh. Anih cun a dik mi duhrilnak tuah thei dingin in bawm ding a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI - Abraham le Isak.</p>
<b>ZIR AW</b>	<p>A tulnaknak ah Bible Câng Hril kha zirh aw - <b><i>Semtirnak 24: 27 asilole Mathai 7: 7</i></b></p>
<b>CING RINGRING AW</b>	<ul style="list-style-type: none"> <li>• Isak hrangah nupi hawl dingin zo a fehsuak?</li> <li>• Siahhlawh in kalauk ziangzat a hruai?</li> <li>• Khui ah siahhlawh cu a cawl?</li> <li>• Tikhur ih falanu a hmuh cu ziang tikcucân a si?</li> <li>• Siahhlawh cun zo hnenah bawmnak le Isak nupi si ding mi hmungah dingin a dil?</li> <li>• Cuih tikhur ih ra falanuih hmin cu zo a si?</li> <li>• Cuih falanu in siahhlawh cu ziangtin a bawm?</li> <li>• Pathian in a bawm ti siahhlawh in a theih tikah ziang a tuah?</li> </ul> <p>Nauhakpawl kha falanu le siahhlawh an biakawndan le an bawmawknak zuk suaiter hai aw.</p>

## A6 Thuanthu 4

### Pathian in a hril – Hih thuanthu cu Isak in Rebekah a bawm thu a si.

THEIHTER AW	<p><b>A hnuaiih thu pahnih hi kan zir a si:</b></p> <ul style="list-style-type: none"> <li>• Rebekah le Isak in Pathian khawkhan mi an thlun ih, milungawi an si.</li> <li>• Pathian kan rinsan ih a khawkhan kan thlun tikah milungawi kan si ding.</li> </ul> <p><b>Bible Câng Hril: Sam 144: 15</b>  <b>Bible Thuhlawm: Semtirnak 24: 28-67</b></p>
ZIRH AW	<ul style="list-style-type: none"> <li>• Nauhakpawl kha thitumnak ih an tel dah le tel dah lo sut hai aw – an tel dah asile, zo ih nupi thitnak ah? Ziang hnipuan an hruk? An kutsihnak ah ziang an tuah? Mo le moneitu an lung a awi maw?</li> <li>• Nauhakpawl kha tuihni ih an zir ding mi thuanthu cu Bible san lai ih thitumnak thu a si ding ti simfiang hai aw. Cuih thitumnak cu nan ram le nan khua ih thitumnak thawn a bangaw lo men ding.</li> </ul>
ZIR AW	<ul style="list-style-type: none"> <li>• Nauhakpawl hnenah an zir zo mi thuanthupawl kha a tawizawngin simsal aw.</li> <li>• Thil cang mi sim dingin Rebekah cu an inn lam panin a tlan. A unaupa Laban cu tikhur lamah a tlan ih, siahhlawh cu an inn lamah a hruai ih a cohlang. Asinan siahhlawh in rawl a ei hlanah, a ratnak sãn Rebekah-ih sungkuapawl hnenah a sim hai (<b>Semtirnak 24: 28-49</b>).</li> <li>• Rebekah hnenih Isak-ih siahhlawh hruaitu cu Pathian a si tiah a pa le Laban cun an zum. Khawtlai ciamco loin, siahhlawh in Rebekah cu Isak nupi dingih hruai dingin an remti. Siahhlawh cu a thlacam a phi a ngah ruangah Pathian hnenah lungawi thu a sim. Cun Rebekah le a sungkuapawl hnenah laksawng tam zet a pe hai (<b>Semtirnak 24: 50-53</b>).</li> <li>• A thaizingah, siahhlawh thlunih Isak nupi dingah a fehsuak ding le fehsuak lo ding ti Rebekah an sut. Rebekah in ka feh ding tiah a ti (<b>Semtirnak 24: 54-61</b>). <i>Rebekah thinlung ziangvekih a um na zum? (a tih nawn ding, ziangah tile Isak le a sungkuapawl cu a hmu dah hai lo, a theih dah mi le an si fawn lo, asinan a phur zet ding; ziangah tile thilumdan zoh tikah a hrangih Pathian khawkhan a si ti a langfiang!)</i></li> <li>• Abraham sungkua lamah, Isak cun ziangvek thil cang a um pei tiin a hngak ve cuahco. Tlai khat cu, lam leng ih a fehsuak laiah, kalaukpawl ra tlung a hmu. A rei hlanah Rebekah cu a inn thar ah a cohlang ih, a nuih puaninn sungah a hruailut. Isak in Rebekah cu a duhdawt zet ih, a nupi ah a cang (<b>Semtirnak 24: 61-67</b>).</li> <li>• <i>Isak khan a nupi a hmuh tikah ziangtin a um na zum? (A phur zet a zumum, a rak hmuh dah lo ruangah a khur nawn men thei, asinan Pathian khawkhan a si tiah a zumhngat ih lungawiten Rebekah cu a nupi ah a thi)</i></li> <li>• <i>Isak le Rebekah cu Pathian an rinsan ih a khawkhan mi an thlun ruangah an lung a awi. Kannih khal Pathian in amah kan rinsan ding le a khawkhan mi kan thlun ding a duh. Cuti ih kan tuah tikah, aipuannak le lungawinak thawn kan khat ding a si.</i></li> </ul> <p><b>Biblethu zir ding mi le tuah dingpawl kha tuah thluh aw.</b>  <b>Hmuh hai aw:</b> FBI – Isak le a Nupi.</p>
ZIR AW	<p>A thlunaknak ah Bible Câng Hril kha zirh aw - <b>Sam 144: 15</b>. Himi Bible câng hin Pathian in kan nun ih a khawkhan mi a cangsuakter tikah ziangtluk milungawi kan so kan si ding.</p>
CING RINGRING AW	<ul style="list-style-type: none"> <li>• Rebekah-ih unaupaih hmin kha zo a si?</li> <li>• Zannah a ei hlanah siahhlawh in ziang a tuah?</li> <li>• Rebekah kha Isak nupi si dingah ziangruangah Rebekah-ih sungkuapawl kha an lung a kim si pei?</li> <li>• Siahhlawh in Rebekah le a sungkuapawl hnenah ziang a pe?</li> <li>• Rebekah sungkuapawl in siahhlawh kha Rebekah hnenah zo in a hruai tiah an ti?</li> <li>• Ziangtikah siahhlawh zawngah Rebekah a fehsuak?</li> <li>• Siahhlawh le Rebekah inn lam panih ra a hei hmuh hai tikah zo so va tlan lohli ih va hmuak hai?</li> <li>• Ziangruangah Isak le Rebekah cu lungawi zet in an umtlang?</li> <li>• Zo dang hmuahhmuah hnak le ziang thil dang hmuahhmuah hnakin zo in milungawi ah in tuah thei?</li> </ul>

# Zirnak Hmat Pekdan Sayapawl Khiihmuhtu

## LEVEL 1 ZIRNAKPAWL:

- Cahmai pakhat (asilole cabu sungih cahmai pahnih) zarh tin rāwng hnih le ṭawngfāng kimter ti mi a um ringring.
- Zarh khat hrangah hmat 10 pek ding a si, thla khat ah hmat 40.
- Level 1 zirnak cotu nauhakpawl cun ṭha teih ca an siar thei ding kha nu le pa/hotu/sayapawl in beisei loin bāwm tum ding a si.
- Thusuhnak sannak hrangah hmat 2 a si pei ih, rāwng hnih man ah hmat 8, cutin zirnak pakhat zate hmat kāwm cu hmat 10 a si ding.

## LEVEL 2 ZIRNAKPAWL:

- Zarh khat ah cahmai pahnih. (cabu te sungah cahmai 4 a um)
- Zirnak sungah thuanthu an tel thluh. Tlawngtapawl in ṭawngfāng phunphun kha zirnak sung ihsin hawl hai seh, rāwng hnih hai seh, Bible Cāng Hril kim ki ngan hai seh.
- Zarh khat hrangah hmat 20 pek ding a si ih, zirnak thusuhnakpawl dikteih an tuah asile, a tlangpithu in thla khat hrangah hmat 80 man zir ding a si.

## BIBLETHU HMAT PEKDAN

### HMAT PEKDAN

Sayapawl kha himi tuah hmaisā dingih ngen an si:

- Zirnak kip kha ṭhaten cek awla, an sannak cahnah kha a hman le hman lo ṭhaten cek awla hmingsinnak ngan aw.
- Na sim hai vekih an phi asile, lawmman ah hmat ṭha pe hai aw.
- An phinak ball pen asilole khedan rāwng thawi rāwng bangaw lo ball pen in hmat pe awla, a hman mi a phi cu hmat pe aw.
- Dik lo ih an phi mi le an ngansual mi cu a dik mi a phi ngansak vivo aw. Cafāng ngansual mi cu hmat pe thotho aw.
- A phi a hrek lawng dikih an ngan mi cu hmat kim pe hlah aw.
- Hmat an ngah mi zate kāwm kha zirnak cabu te cahnah netabik ah ngan awla, thapeknak ca tete ngan aw.

Hmat pek thu ah a mawitawkih tirhsian a ṭha, nauhakpawl Bible an zirnak ih thapekthiam a pawimawh zet. Thla tin saya in cabu a lawngnak ah khan thapeknak ca te ngansak ringring hi a thupi tuk. Rāwng an hnih mi parah siseh, an kut ngan mawinak parah siseh, hmat an hmuh ṭhat mi parah siseh, tlawngtapawl in an zir mi thu an theih mi parah siseh faknak le thapeknak duhum ṭawngkam tete ngan ṭheu aw. Cun a phi an sual rori mi hmat pek thotho tivek cu ti lo lawlaw ding a si.

Faknak ṭawngkam khal a phunphun hman ding a si. Nauhakpawl an thatho ding le Bible zir an duh ding hi hmuitin awla, faknak ṭawngkam tete khal nganthiam tum aw. Na faknak ṭawngkam kha amah kel ringring a si ahcun mual a nei lo ding ih, sullam um lo ah a ang ding.

## LEVEL 1

### Faknak Tlangpi

“Mawite – hih zirnakpawl na thawk thei ruangah ka lung a awi tuk, nuam na ti ka zum. Rāwng na hnih mipawl hi mawi ka ti ih ka duh hai tuk.”

“Tlawng na kai maw? Na tlawng thu i sim hnik aw. Na hnen ihsin thuhla theih ding ka hngakhlap zet.”

“Na tiṭha tuk, Andru. Rāwng hnih na thiam tuk, a mawi ka ti tuk! Rāwng na hnih mi kha rīn sung rori ih hnih kha a har maw? Zirnak netabik ah khin rāwng na hnihdan malte na tisual deuh.”

### Thlarau lam thu ih faknak

“Na tiṭha tuk, Sarah. Jesu in Jairas a bāwm hi ziangtluk mithlawsuak a si ti aw.”

“A phi na ngan mi a ṭha tuk! Jesu thih thu thuanthu hi riahsiatumza a si na ti lo maw, asinan a thawhsal hi ziangtluk lungawiumza so a si ti aw.”

## LEVEL 2

### Faknak Tlangpi

“Na phi mi a ṭha tuk lala, Vante – Tlawng na kainak ih na sayapawl cu na ca zirnak le camibuai na tuah mi ah a lung a awi zet ṭheu ding ka zum!”

“Na birthday a thleng cing ding ti ka thei, Connor. Na birthday hrangah ziang nan tuah ding? Na tuah mi kip ah hlawhtling hram aw!”

“Nasa zetin Pathian thu na zir ti ka thei. Malte lawng sual mi na nei. Biblethu zirnak thusuhnak sannak na ngan tikah ceksal ṭheu aw maw!”

### Thlarau lam Faknak

“Naute Jesu rankheng sungih a um rāwng na hnih mi kha ka duh tuk, na thiam tuk ka ti. Pa Pathian in a Fapa hi leitlun ih a run thlah hi a ṭha tuk ti aw?”

“Rāwng na hnih mi ka duh tuk! Zekariah in Pathian sim mi a zum lo ruangah, a zum lo man a tuar. Cumi hnuah Pathian Kamsuakthu parah rinhlelnak a neisal nawn lo.”

“Thusuhnak na san mi a ṭha lawlaw. Ramṭhing ih Filip tawngtu pa kha lungawi zetin a fehsuak ti aw!”



© Bible Educational Services 2015

[www.besweb.com](http://www.besweb.com)

Registered Charity UK 1096157